



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



Ln

1802



1999



ՄԵՂՈՒՍՔԱՆՈՒԹԻՒՆ

Ա շ ի ա տ ա ս ի ը ե ա ց

Իսահակ աւագ Քահանայ

Սահառունի :

Ի ՀԱՅՐԱՊԵՏՈՒԹԵԱՆ Տ . Տ . ՄԱՏԹԷՈՍԻ

ԱՍՏՈՒԱԾՆՆՏԻՐ ԿԱԹՈՒՂՈՍՈՍԻ

ԱՄԵՆԱՅՆ ՀԱՅՈՑ :

Ի յս ընծայեաց նախրական ար-

դեամբք Տիտուլեարնի Սովետնիկ

և ապետ Գէորգ տէր Գրիգորեան

Սղնախեցի :

Ի ՏՓԹԻՍ :

1862—ՌՅԺԱ .

ՀԱՅ ՏՊԱՐԱՆԻ

ԳԱՐԲԻԼԻ ՄԵԼԻՔՈՒՄԵԱՆՑ ԵՒ Հ . ԷՆՖԻԱՃԵԱՆՑ

91802-60

28. 1802

ԼԵՈ  
1802

ПЕЧАТАТЬ ПОЗВОЛЯЕТСЯ

Съ тѣмъ, чтобы по отпечатаніи представлено было въ Ценсурный Комитетъ узаконенное число экземпляровъ. Тифлисъ.  
17. Марта, 1862 года.

*Ценсоръ И. Кайтмазовъ.*



ցրն քարածեծ սատակեցաւ : Ասան որոյ  
 և մտղթեմ'ի դատաւորաց բանից իմոց ոչ  
 այնքան առ իմ վէպս գոլ անձնապիշ, որ-  
 քան 'ի գործս ամենաբարի Արարչին, յո-  
 բուստ և մտահաս լինել զերագոյն գոյու-  
 թեան նորա և բարերարութեան :

Թողում աստանոր խօսիլ երկարաբա-  
 նութեամբ զարտադրելոյն մեղրագործ մե-  
 զուացս 'ի նեխեալ գիշոց և 'ի նեխեալ ոս-  
 կերաց արջառոց, որպէս բանք են բազմաց  
 նախնի իմաստասիրաց, որպէս զրէ Փիլոն  
 որ ժողովէն զնա մեղուն ոչ մաքուր կեն-  
 դանի է, 'ի նեխութենէ և յապականու-  
 թենէ մեռելոց . . . յարջառոց ճընեալ, որ-  
 պէս և ճիաստացի 'ի ճիական մարմնոց : Ա-  
 խիքիս թէ « յոսկերաց արջառոց ճնանին  
 մեղուք », որոց բանք միայեալ ընդ սոյնօ-  
 ղինակ համարարբառ բանից Աղիանասի,  
 Նիկանդրի, Աարոնի, Աիրգիլիոսի և այլոց  
 բաւական են ամենայն ընթերցողաց և լսու-

զայ դործոց խմ սիրուն մեղուաց, վանու-  
րոյ և դառնամ ես 'ի պատմութիւն ներ-  
կայ գոյութեան, եղանակի իմաստուն կա-  
ռավարութեան և ամենայն անանգոսնելի  
դործոց նոցա, որք դրուատիք են նոցա:

ԺԱՄԱՆԱԿ ԱՐՏԱԴՐՈՒԹԵԱՆ

ՉԱԳՈՒՅ ՄԵՂՈՒԱՑ

Ի յունիս ամսեան կամ 'ի վերջին ա-  
ւուրս մայիսի, սկսանին մեղուք խմբովին  
արձակել 'ի բունաց իւրեանց 'ի փետակէն  
զձագս: Չադուցն այնոցիկ ըստ պէտպիսու-  
թեան նոցին են և պէս պէս անուանք, որք  
են մայր, տեղատես, մշակ, բոռ և ձագ: Յե-  
տինքս այսոքիկ անուանակոչին յառաջնա-  
ձագք, միջնաձագք և յիսնաձագք, զի մե-  
ղուք 'ի միում ամի բազում ձագ տան, մա-  
նաւանդ երբ տարին անձրեային է և ոչ ե-  
րաշտ, նմին իրի և ունին զանուանս անդ-  
րանկութեան և յեանութեան: Յառաջնա-

ձառուցն երևին լինել մարք երեք կամ  
 չորս. սոքա երկար են դրու թեամբ քան  
 զձառան և գունով ևս զանազանք, զի ու  
 բովայն սոցա արտաքուստ պճնեալ է կարմ  
 րազգեստ շքեղութեամբ և խարան թոյլ  
 քան զձառուցն, վասնորոյ և ոչ փասել կա  
 բնն ումեք ՚ի խայթելն, որպէս փասեն ձա  
 ղուցն խայթոցք: Գործ մարցս է առաջ  
 նորդ և կառավար լինել նորածնեալ մե  
 ղուայն պարու, զի ուր իջեալ զկայ առ  
 նուն մարք, անդէն զնոքօք գումարին և  
 ձառքն: Ո՛վ մեծ ի բարերարութեան Տեառն  
 զօրութեանց. ո՛վ մեծ ի խորհրդոյս. այն,  
 այն, խորհուրդ մեծ է, որով ճանաչեմք և  
 զգամք զինամս Տեառն. վասն այն զի՛ եթէ  
 չքոտին մեղու ոչ կարէ առանց կառավարչի  
 ուղիղ ընթանալ, զիանորդ ապա հնար է բո  
 վանդակ տիեզերաց առանց ճայրագոյն կա  
 ռավարչի անկորուստ և անիրացբառնալի  
 պահպանել զգոյութիւն իւրեանց: Տեա

դու, բա՛րեմիս այցելու իմոց մեղուաց, տնս  
 աչօք բացօք և զգա՛ յանձին քում յոսկեր-  
 սրդ և յերակսդ զանզգամութիւն անխնա-  
 մեանցն զբաղատութեանց, որք զճայրա-  
 գոյն գոյութեանն ուրանային զխնամս, և  
 զիր՛ի մտի, թէ Սատուած է խնամող ա-  
 մենայնի, փութա՛, քարո՛ղ կարդա, ասա՛ ա-  
 մենեցուն համարձակապէս, թէ նա է՛ որ  
 արար զերկինս և զերկիր, զծով և զցամաք  
 ձեռք նորա ստեղծին և նա խնամարկեալ  
 կառավարէ զամենայն, և եթէ երկմտու-  
 թեան ինչ քող առադաստէ զյիշողու-  
 թիւն քո, հարց յոսկերսդ, և ահա՛ նորա  
 աղաղակն և ասեն՝ Տէ՛ր, ո՛ նմանի Քեզ. հարց  
 նաև ջանքանս և ցանզգայս, և ահա՛ միա-  
 ձայն գոչեն՝ Նա արար զմեզ և ո՛չ մեք էաք:  
 Ապաքէն՝ որ արարն, առ ՚ի նմանէ ունին  
 ամենայն էակք զսկիզբն գոյութեան և  
 առ ՚ի նմանէ պահպանին պաշտպանո-  
 ղական աջով:

## ԳՈՐԾ ՄՇԱԿԱՑ

Բեր քարոզեսցուք այժմ նախ զբազմարդիւն մշակացն զգործ սխրալի: Մշակ անուանեալ մեզուքս այսոքիկ են ի դասակարգէ անտի նորընծայ մեղրագործ մեղուացն, յորոց ոմանք լիաբերան բերեն ըզջուր, այլք լիաբուռն զզեղեցկատեսիլ յոքնասեր ծաղկունս ոանաախաթոյթս, կէսք զայլ և այլ հիւթս և թափեն ՚ի նախապատրաստեալ զարմանագործ վեցանկիւ նաւոր ծակտիս, որ ասի մաղ, կամ բճիճ և կամ չեչ, իսկ այլք՝ որ ՚ի փեթակի անդր կան, ՚ի բերեալ զանագանակերպ նիւթոց անտի կազմեն զմեղր ախորժածաշակ, յորմէ և վեհափառ թագաւորք և իշխանք և այլ ամենայն վեհաւորք և սոսկականք ճաշակեն և վայելեն անձկանօք, որպէս փորբաքանէ մերս քերթողահայր յասելն՝ ամեղու զերկասիրութիւնն պատուէ, որոյ գործն պատուականագոյն է, թագաւորաց

միադամայն և գեղջկաց երթալով 'ի բրժշ-  
կութիւնս:

Փութացիր, արի՛ դու բանեղէն մշակդ  
կարգեալ 'ի մշակել գերկիր, եկ 'ի խոյզ և  
'ի գննին փոքրիկ ուսու մնարանի բարեջա-  
նութեան անդանդադալաստակս մեղուաց  
ուսիր, լեր և դու մեղուաջանս 'ի գործս ա-  
ռաքինութեան, զի թագաւորն երկնաւոր 'ի  
հաճոյս իւր ընկալցի զգործս քո, և այլք  
տեսեալ զգործս քո բարիս, փառաւոր ա-  
բասցեն զհայր քո՝ որ յերկինս է: Նւ ես  
փութացայց դարձայց անդրէն 'ի կարգ  
բանիս մանուածոյ ի հռչակահարութիւն  
այլոց սխրագործութեանց իմ պատուա-  
կան մեղուաց:

Մեղուքս այսոքիկ բունեալ բնաւո-  
րեալ զետեղեալ ի փեթակս կամ այլ ու-  
րեք, ուր և հաճե հաւան գտանին ինքեանք,  
ընտրեն ի մարց անախի իւրեանց զանդրան-  
կածինն, զառողջանձնեայն, զտքնողն, ըզ-

բարե ջանն, զաչարու ըջն, զանարաան և ըզ-  
 հանձարեղն 'ի միապետական առաջնոր-  
 դութիւն հանրականին 'ի վոքբրադիր քա-  
 զաքի անդ բնակութեան իւրեանց, իսկ  
 զայլս թուլակազմս և տկարս 'ի կառա-  
 վարութեան զՏիւանդոտս, յեանածինս,  
 զապտջանս, զքնուկս, զդանդազկոտս և  
 զիւրք իրօք արատաւորս և պակասաւորս  
 միահաղոյն յարձակեալ 'ի վերայ և արա-  
 բեալ նշան նպատակի խայթոցայ իւրեանց,  
 նահատակեալ հասուցանեն յարեմուտս  
 կենաց իւրեանց, և ապա 'ի սպառիլ շնչոյն  
 կալեալ յաջմէ և յահեկէ զթեոց մարցն  
 սպանելոց իբրև զխայտառակեալ ոք անար-  
 ժան բնակութեան 'ի գաւառի անդ մեզ-  
 ուականին բազմութեան, արտաքս, հանեն  
 յաշխարհէ անտի կենդանեաց և ձգեն  
 զիսթաւալ յաշխարհ մեռելոց 'ի մուտս  
 փեթակին, որ կոչի ըստ գաւառական դոր-  
 ծածութեան արկանոց, այսինքն, տեղի

արկանեւոյ 'ի նշան նշաւակի ապաջանից և  
'ի տես բազմութեան անցաւորաց :

Օրինակ բարեզգեաց ընծայեն մարդ-  
կութեանս իմ սիրուն մեղութ ընտրու-  
թեամբ հանձարեղացն յառաջնորդու-  
թիւն և 'ի նա հապետութիւն ազգի իւ-  
րեանց և ժողովրդեան և բացամերժու-  
թեամբ յուլից և ծուլից և պակասաւո-  
րաց և ապաջանից 'ի դու մարտակէ անտի  
իւրեանց և որք 'ի բանեղինացս անձկանօք  
զհետ երթեալ նախանձելի օրինակիս այս-  
միկ՝ յընտրութեան գլխաւորի և կառա-  
վարչի իւրեանց աննախանձաբար բարեկ-  
րեալ առաջի աչաց կալցեն զազգին օգուտ  
և ոչ զանձանց իւրեանց, նոքա յիրաւի  
ընտրեցեն զարժանաւորն, զտքնոյն և ըզ-  
հանձարեղն 'ի գլխակարգութիւն ազգի և  
եկեղեցւոյ և յայնմ հետէ ազգն զն'նչ 'ի  
խաղաղութեան և յանպախարակելի կար-  
գաւորութեան կալցի զգոյութիւն իւր իբ-



րև յաւուրս Սողոմոնի. իսկ եթէ թողեալ  
 լքեալ զայնպիսի այր՝ բազում գովեստա-  
 բանո՞ւ թեան արժանաւոր, զթոյլն, զտղէտն,  
 զանուանն և զբաղմօք արատաւորն կացուս-  
 ցնն իշխանն եկեղեցւոյ և դէտ ժողովոր-  
 դեանն, ընտրողքն յայտնապէս թշնամի ազ-  
 գինն հանդիսացեալ, զանդարձ վնաս, զող-  
 բալի կորուստ և զանտանելի կործանումն  
 ձեռամբացի բերեալ մատուցանեն համազ-  
 զայնոց ՚ի յաւիտենական անարդաւորու-  
 թ իւն առաջի ազդաց օտարաց: Ասան այն-  
 պիսեաց ընտրողաց այսպէս ասէ Առաքեալն՝  
 «Զերկրաւոր ատեանս եթէ յանձն առնու-  
 ցուք, զանարդանն եկեղեցւոյ զատաւորս  
 նստուցէք (ա. կոր. Զ. 4): Իսկ ես ասեմ. այն-  
 պիսեացն վնայ, հազար վնայ, բիւր վնայ, միշտ  
 և հանապաղ վնայ, մինչև ցգերեզման վնայ  
 և յետ այնորիկ վնայ և եղուկ. վնայ որ ա-  
 սիցէ զբարին չար, և զչարն՝ բարի, վնայ որ  
 ասիցէ զլոյսն խաւար, և զխաւարն՝ լոյս:

վսյ որ ցնիցէ զդառն՝ քաղցր, և զքաղցր՝  
դառն: (Ես. Ե. 20):

Արդոյ մեղուասէր, ընկալ յինէն զսէր  
բազում, զզոհութիւն բազում, և զզո-  
վութիւն բազում, բազում. բազում և  
բազում, զի իսկապէս բարեոք ներակրթեալ  
երևիս 'ի պանծալի հանդիտութեան անդ  
պարուց պատուական իմոց մեղուաց աշ-  
խարհադով անաչառադատութեան յընտ-  
րութեան կառավարչի. զբարեոք կրթա-  
կանութիւնդ փորձեաց և ետես ազգ մեր  
և եկեղեցի սուրբ, փառաւորեցաք ամենե-  
քին, այն փառաւորեցաք բարենախանձ  
ընտրութեամբդ գլխոյ մերոյ և կառավար-  
չի և բացորոշութեամբ պախարակելեացն  
անհանձարից: Ուսն ամենեցուն այդ օրինակ  
աշակերտիլ միշտ իմոց բարեսէր մեղուաց  
յընտրութիւն բարեջան գլխաւորի և վասն  
յետագայից արամեանս ազին 'ի շուք և 'ի  
փառաւորութիւն մեր և 'ի շինութիւն և

'ի բարեկարգութիւն տաճարաց փառաց  
 Տեառն Աստուծոյ. և միանդամայն թոյլ  
 տուք ինձ անդրէն դառնալ 'ի լիակատար  
 պատմութիւն խնայտուն մեղուաց խնոյ.  
 զարոց զհանդամանօք նոցա եկեալ ծանօթս  
 քեզ արարից և զանպայման սէր նոցա և  
 զհնազանդութիւն առ ընտրեալ կառա-  
 վարիչ իւրեանց:

**Մ**ինչդեռ կենդանի կայ այս առաջնորդ  
 մեղուականին տէրութեան, առաջնոր-  
 դեալքն ակնածութեամբ բազմաւ հնա-  
 զանդեալ նորուն հրամանաց, և արիաբար  
 պարապեալ մեղրադործութեամբ, զիմեն  
 այր իւրաքանչիւր յիւր դործ պաշտաման՝  
 զեղեցիկ իմն կարդաւորութեամբ և ան-  
 դանդադաջան փութով յօրինեն զհրաշա-  
 դիտակ հացս մեղրալիցս. այլ իբրև հասա-  
 նէ նմա տեսանել զխաւարիլ արևու կենաց  
 իւրոց, իսկոյն քակտի կապակցութիւն նո-  
 ցա, խանդարի և խառնակերպի իսպառ-

քեզնցկապարդութիւնն նոցա, բոլորեքինն  
 նորա խռովեալ՝ հակամէտ ՚ի սեւասիրտ  
 տխրութիւնն անհնարինն տազնապաւ տա-  
 ռապանաց և սաստիկ աւաղածայնու թեամբ  
 բերին ՚ի շփոթութիւնն անպատմելի ընդ  
 մահ Քիտինն իմասանոյ մօրն սիրելւոյ, և  
 չքթութեալ անհնարինն ցաւոցն սակաւառ-  
 սակաւ ախտակրեալ նոցա բոլորապէս մի  
 զմիւսով անկեալ թօթափեալ մեռանին,  
 և բոլորապատու ընծայեալ նմա զանձինս  
 իւրեաց ՚ի նշան առաւել սիրոյ և երախ-  
 տեաց նորա, թողուն յաշխարհի զյիշա-  
 տակ բարեաց պանծանաց:

Փութա՛ փութա՛ երախտածան մեղուա-  
 սէր, փութա՛ ՚ի տես հանդիսի զարմանալի  
 սիրոյ, գովանի հնազանդութեան, աննենդ  
 և անպղտոր երախտադիտութեան իմ խո-  
 հեմ մեղուացս առաջնորդելոց ՚ի հանձա-  
 րեղ կառավարչէ: Հնազանդեաց և դու ա-  
 մենայն անմեղսածին յառաջադրութեանց

մեծաւորաց քոց վասն Տեառն . Կայսեր՝  
 իբրև պատկերի թաղաւորին երկնաւորի, զի  
 զրեալ է՝ յԱստուծոյ երկերունք զթագաւորս  
 պատուեցէք (Պետ․Բ․ 17)։ Իշխանաց՝ իբ-  
 րև բարերարաց, զի իշխանքնն ոչ են յեր-  
 կիւղ քարեաց դործոց՝ այլ շարաց . (Հռվմ․  
 Ժ․ 9. 3.)։ Հայրապետաց և եպիսկոպոսաց՝  
 իբրև ուղիղ վարդապետութեամբ համա-  
 ոտողաց՝ ի մեղ զքանն կենաց և աքնողաց  
 վասն հոգւոց մերոց, և ամենեցուն, որոց ՚ի  
 պաշտաման կան՝ զի որք ենն՝ յԱստուծոյ  
 կարգեալ են, սրտէս ասէ առաքեալն սուրբ։  
 Տես. զըննեա՛ ու շի ու շով զմահ մեղուացս  
 ընդ մահ երախտաւոր վերակացուի իւ-  
 րեանց . աղաչեմ՝ զքեզ եղբայր, զի և դու  
 ծանկցես զվաստակաւորս և զվերակացուս  
 քո ՚ի Տէր։ Ծանիր զնա, և եթէ անձնադիր  
 է նա վասն աղգին բարեդրութեան, կա՛լ և  
 համբուրեա՛ ախորժանօք զոտս նորա, և ե-  
 թէ ոչ զկեանսդ, զոնէ զինչս քո տուն վասն

Կորա, սիրեալ զնա, քաղով կարդա յաշ-  
 խարհ ամենայն, զհամբաւ ի հօր զքարե-  
 րարու թիւնն Կորա և զերաստիս. իսկ ե-  
 թէ ՚ի պատերազմի կաս ընդդէմ թշնա-  
 մեաց, յանկանիլ կառավարչիդ ՚ի դաշտին  
 փառաց, անճնամատոյց լեր և դու ընդ նմա  
 ու ժեղակ մրցու թեամբ ՚ի փառս հայրե-  
 ՚նաց և յազատու թիւն և կեղեցւոյ Աստու-  
 ծոյ ՚ի ձեռաց ատելիաց և անհարա զատաց,  
 զի ընկալցիս զգովու թեանն պերճուպայ-  
 ծառ պսակ և եղիցիս վայելուչ թագ ար-  
 քայու թեանն ՚ի ձեռին Աստուծոյ՝ քո: Հուսկ  
 ուրեմն քաղցրասցի՛ քեզ և հեռեեալս  
 շարունակու թիւն պատմու թեանն մեղ-  
 ուացն երանելեաց, զոր հարկ բանչա ա-  
 խորժէ զգրով ածել ՚ի դիտու թիւն ազի-  
 տաց Կոցուն սխրագործու թեանց:

ՄԱՆ ԱՌԱՋՆՈՐԴԱԿԱՆ ՄՕՐՆ ՄԵՂՈՒԱՅ

Խոհեմ մեղուատէրն իբրև տեսանէ  
 զբոլորն զաղէտա, զսուգ և զարամս  
 թիւն մեղուացն, ՚ի խռովութենէն և  
 յանկերպարան կառավարութենէն մանա  
 շանդ ՚ի խանդար և ՚ի խափան մնալոյ զկ  
 րապանձ գործարանի նոցա, խմանայ զվերձ  
 ի մահ զլն, կամ զմահ մօր նոցա առաջ  
 նորդին իմասանոյ, և զխապեալ վորձիւ  
 թէ անշուշտ ունին բոլորեքին զմահ համ  
 բուրել յետ մօրն մեռանելոյ և ապաշը  
 նորհել զփեթակին հանդիսարան, հապճեւ  
 փութայ խիոյն յայլ նորարձակ ձագս իւր  
 կամ օտարաց, յորոց առեալ զմայր մի ար  
 կանէ ՚ի շփոթեալ փեթակ անդր մայրա  
 կորոյս մեղուաց առ ՚ի կառավարութիւն  
 անկառավար մնացելոցն, և զինչ յայնմ  
 հետէ, սքանչելիք մեծ, այն սքանչելիք, զոր  
 լիզու մարդոյ ոչ զօրէ պատմել, այլ ես

« Կառուցից պատմեցից, զի նոքա ոչ ըստ  
 ճախնային ժողովրդեան յապշութիւն գան  
 'ի գրնդենէ գերանի արկելոյ 'ի Ռիստէ 'ի  
 ճահիճն 'ի թագաւորել 'ի վերայ անկա-  
 ռաւար գորտանց՝ որք խնդրէին զթա-  
 գաւոր. այլ որպէս ականջալուր եմ ի բազմաց  
 հմուտ մեղուապանաց, 'ի դահակալել նո-  
 րա զաթոռ փոխելոյն, ախտակրելոցն սա-  
 կաւ առ սակաւ ողի առեալ ժրացեալ և  
 յանձանց 'ի բաց եղեալ զսուգ և զորրտ-  
 մութիւն, դառնան անդրէն յառաջին կերպ  
 կենդանութեան, դեղեցիկ կառավարու-  
 թեան և զարմանաւ որն մեղրագործութեան  
 իւրեանց իբրև 'ի միոջէ հրամանատուէ  
 առաջնորդեալք: Ս. յապիաի նոր առաջնորդ  
 տուեալ լինի նոցա 'ի մայրութիւն և 'ի  
 կառավարութիւն յայնոսիկ ամիսն միայն՝  
 յորս սովորաբար ձագս արձակեն մեղուք,  
 իսկ յայլս՝ յորս ձագարձակութիւն ոչ է, 'ի  
 մեռանիլ մօրն, տակաւ առ տակաւ մեռաւ



նին և ձագք նոցա թողեալ լքեալ զբազ-  
մածողով քաղաք փեթակին բնակարան  
լինիլ գարշատեսիլ և տխրագոյն գիշե-  
րագռաւոյն հանապազագիշեր վայոցի :

Բարեշնորհ մեղուասիրիդ ահա խրատ  
խորհրդաւոր արժանաւոր և շահաւոր  
աւանդեն իմ մեղուք. իբրև տեսանես զու-  
ղժողովուրդ Տեառն զբեկեալ 'ի բարեջան  
առաջնորդէ, մի' թողուր զնա զբեալ 'ի  
հողեվարս 'ի թախճութեանց հասելոց  
նմա զկնի մահուան բազմերախտ հով-  
ուասկետին, այլ նոյնհետայն լեր մտատանջ  
և մտախոհ, թէ զո՞ ոք արժան է ընտրել  
փոխանակ փոխելոյն առ Տէր, ոյ կարող իցէ  
անձնադիր լինիլ, զի հովիւ քաջ զանձն  
իւր դնէ 'ի վերայ ոչխարաց, սրպէս զը-  
րեալ է, զցաւս ազգին բառնալ, և լինել  
նմա ծեր պատկառելի, սքանչելի խորհրդ-  
դական, այր հզօր ըստ մարդարէին, շի-  
նօղ աւերակաց և ո՞չ կործանող, կամ լաւ

ևս է ասել իւրացուցանող, և եթէ ամե-  
 նեքին նորա՝ որք աւագագոյնքն են՝ և  
 պատուելի կարծեցեալք, խոտորեալք են ՚ի  
 միասին և անպիտանացեալք • • • ոչ ինչ,  
 իսկոյն բունն հար զայլ հնարից ՚ի խնա-  
 մարկութիւն ազգին, զոր ևս ցուցից քեզ,  
 ասած քեզ այլ հնարք, ընտրեան ՚ի գիտուն  
 և ՚ի բարեկրօն երիտասարդաց զմի ոք ՚ի  
 գործ պաշտամանդ այդորիկ ՚ի գերակա-  
 յութիւն կառավարութեան, զի մի՛ ան-  
 դըստ և անկառավար իսպառ մնացեալ ազ-  
 գին՝ ցանուցիր զխմեսցեն զհովանեօք կա-  
 նաչաղեղ երեւալ կաղնեաց, և ապա զըժ-  
 ուարին իցէ և տարժանելի համաժողովել  
 քեզ զցրուեալն : Գու ինձ հաւատան, որ  
 նորահասք յիմաստիցն հարեալք ՚ի հրա-  
 հանդ եթէ զհետ երթ իցեն շաւղաց ազ-  
 գաշէն նախորդի իւրեանց, զնոյնօրինակ  
 ազգաշինութեան և հայրենասիրութեան  
 կարեն յանձին բերել զտիպ, և ճոխա-

Տաղիկ բարեօք բեղմնաւորիլ, և եթէ ոչ  
 զնախորդան, գէթ հաչակիլի զբազմօք  
 հանդիսանալ շահաւոր վարդապետու  
 թեամբք, և զախտացեալսն ողխացուցանել  
 տարամերժելով 'ի սպառ սպուռ զսուգ և  
 զտրամու թիւն պատահեալ նոցա յետ մա  
 հուան կառավարչի ի բեանց. բայց դու  
 որքան շունչ 'ի բերան ունիս, զիմանալի  
 խունկ աղօթիցդ ընդ զգալոյն բուրեւ  
 անդադար, հան յերկինս 'ի վեր յաթոռ  
 ամենաբարձրելոյն՝ հարուստ ժամանակօք  
 յամայրամել զկառավարիչդ՝ որ կայ այժմ  
 իբրև թագ վայելչագեղ կապեալ 'ի զլուխ  
 քո, զի մի՛ սասաիկ գլխացաւ և հողևոր  
 ժանտախտ պատահեցի աղղիւղ, գրաւա  
 կան առաքեալ զաղերս քո 'ի վերնադաւառ.  
 Բնակու թիւն երկնից խորանաց, զի եզեցի  
 նամայր որդւովք բերկրեալ, որ միմիայն  
 յոյս է քո և ամենայն քոյայնոց, տեղի ա  
 պառինի և շտեմարան բազմամթեր, և որ

գերագոյն ևս է՝ նորասքանչ դարբին սայ-  
 րասլաքագործ, որ ՚ի դարբնոցէ իւրոց զօ-  
 րեղ մտաց ընծայէ զհատու գերանդիս ՚ի  
 լուծումն տառապանաց քոց և վշտաց  
 հասելոց պատահելոց քեզ յանխոհեմ և  
 յապաշնորհ կառավարչաց անիրաւաց,  
 խստաց, անպատամբողաց և ՚ի փարաւօնա-  
 սարաս նեղչաց և յասպատակարար ելու-  
 զակաց՝ յաւէտ ազահու թեան ծառայո-  
 ղաց քան Աստուծոյ, ատանայի՛ քան թէ  
 մարդկան : Տո՛ւր փառս Աստուծոյ, ատ՛ւր  
 զօրհնութիւն Մարդասիրին Քաղաւորին  
 յաւիտենից, որ ետ քեզ զկառավարիչ ան-  
 զուգափառ, և լէ՛ր նմա հնազանդ, զի Նա  
 միայն տքնի վասն քո, և որոց քո են, և ես  
 բանաճառեցից մասնաւորապէս և վասն  
 քան իութեանց ձաշուցն արձակելոց ՚ի ծո-  
 ցոյ փեթակէն :

Յառաջնաձագքն ունին զկատարեալ թիւ  
 բազմաւորութեան, և զեզանակ բարեոք

կառավարու թեան, որոյ վանն և տակա-  
 ռապետանն մեղուազանին քաղցր ճաշա-  
 կաւորու թեամբ վաստակոց իւրեանց զմեղր,  
 այլ Յեանաձագքն՝ որոց ըստ մեծի մասին  
 սակաւաւոր է, թիւ նոցա և պակասաւոր  
 յոյժ յոյժ քան զՅառաջնաձագուցն, ոչ  
 ունին և ոչ ունիլ կարենն զկատարեալ քա-  
 ջալաւ եղանակ կառավարու թեան 'ի փոք-  
 րապարհապ քաղաքի անդ բնակու թեան  
 փեթակի իւրեանց և ոչ կարենն զվարկ  
 խնամակալին իւրեանց ճշմարտել կենցա-  
 ղօղուտ ընծայիցն հրաշակերտու թեամբ .  
 նմին իրի տէրն նոցա նախատեսանելով  
 զսակաւաւորու թիւն նոցա և զվերահաս  
 սատակու մն՝ խոհեմու թեամբ ի մն զնախա-  
 հոգու թիւն յանձին բերեալ, զերկուս կամ  
 զերիս այժմածին Յեանաձագս յայլ և այլ  
 փեթակաց ելեալս 'ի մի և 'ի նոյն աւուր,  
 միաւորեալ դնէ 'ի մի փեթակ, որոց միա-  
 բանեալ անդէն իրրե համամարք, անասյ-

թ աքօրէն մ գեալ մատչին 'ի զարմանալին  
 դործ մշակու թեան առ 'ի պահպանողին  
 իւրեանց լինել վաստականուէր բազմա-  
 բաշխու թեամբ. համեղածաշակ մեղու. և  
 ներհակ այսմ եթ է աէր նոցա վրիպակաւ  
 իմն միախառնեալ տեղաւորէ զսակաւա-  
 ւոր Յեանաձագս ընդ սակաւաւոր Յա-  
 ռաջնաձագուց, յայլ և այլ ժամանակս  
 արձակելոց 'ի փեթակէն ձագածնու թեան,  
 որպիսիք լինին երբեմն յերաշտ ամսն,  
 յայնժամ անդ է տեսանել զմարտ սաստիկ  
 պատերազմի 'ի փեթակին միջի, զի ամե-  
 նեքին նորա լքեալ թողեալ զսեփհական  
 դործ մշակու թեան իւրեանց և դժկամա-  
 կեալ 'ի պաշտաման մեղրադործու թեան,  
 խաղան դիմեն յարձակին 'ի վերայ միմեանց  
 'ի կազ և 'ի կռիւ սայրասուր խայթոցայն  
 յառաջբերու թեամբ, և ապա յետ բաղ-  
 մադ իմի անողորմ խայթոցահարու թեանց  
 զմիմեանս, բազմաւորքն՝ քաջարշաւ և

սրտոտ իմն յառաջխաղացու թեամբ ջար-  
 դեալ խորտակեն զսակաւաւորան : յորոց  
 զումանա զխակնացուցեալ խապառ, և զայլս  
 կխաակենդան արարեալ կամ զըկեալ յոտիյ  
 և 'ի թեոց՝ զեանաքարչ հանեն տանին  
 արտաքս 'ի փեթակէն և զիղեն զմիմեամբք  
 ի հրապարակի արկանոցին 'ի ցոյց մեծի  
 յաղթողու թեան և քաջու թեան իւրեանց,  
 և ինքեանք զկնի այսօրինակ բազմամնա-  
 սազործ մարտադրու թեան, է որ՝ տիրեալ  
 տեղակալեալ անձնդիւր կենօք մնան 'ի  
 փեթակին, է որ՝ ելեալ բոլորովիմբ՝ ճապաղ  
 ճեպով աճապարեն 'ի փախուստ յանտա-  
 ռըս և 'ի լերինս առ 'ի գտանել ինքեանց  
 բանակեաղ, ուրանօր ծառամուտ կամ  
 ճերպամուտ լեալ զաղարին, կամ մտանեն  
 յայլ փեթակս զխումամբ առ և անդ ե-  
 շեալս 'ի մարդկանէ յորս այսպիսեաց  
 փախստէից և ապստամբելոց 'ի տիրապե-  
 տու թեանէ բուն խնամակալու ին իւրեանց,

և է որ՝ ոչ կարացեալ 'ի սակաւաւ որու թե-  
 նէն զուղիղ և զանասյթաք կառավարու-  
 թիւն ունիլ, զչարեալ սատակին ամենե-  
 քեան մի զկնի միոյ :

Բարեմի'տ մեղուասէր, լեր յանձին բե-  
 րող զձև սխրագործութեան ցուցակի  
 երկասէր իմ մեղուաց. նոքա 'ի պակասա-  
 ւոր զոյն բարեխառնին ընդ այլոց իբրև  
 ազգակիցք իրերաց և անհակառակարար  
 ծառայութեամբ և անդանդաղ վաստա-  
 կօք գործեն զքաղցրաճաշակ մեղր յօգուտ  
 աեառն իւրեանց, որ անխաբ յուսով և  
 ապաժուժութեամբ բազմաւ սպասէ հա-  
 մեղ աշխատասիրու թեան նոցա. նրտապն-  
 դեանց և դու զբռնու թիւն կամաց մարմ-  
 ոյդ հնազանդել հոգւոյդ կամաց, զի միա-  
 բանու թեամբ երկաքանչիւրոց նոցա ծա-  
 ռայելով ճեառն քուժ և Արարչի, արաս-  
 ցեն զկամս նորա բարեաց երկասիրու-  
 թեամբ, Վնւր իմաստնոյն, Էրթ, ասէ, առ



մեղուն, և ուսիր զհարդ գործօն է, և գործ  
 նորա որպէս պարկեշտութեամբ գործի,  
 զորոյ զվաստակն թագաւորք և անանկք՝ ի  
 բժշկութիւն մատուցանեն, ցանկալի է ա-  
 մենեցուն և մեծարոյ, զի թէպէտ տկար է  
 զօրութեամբ, պատուեաց զիմաստութիւն  
 և յարգեցաւ: (Սուաղ. 2. 8) Անք և դու  
 իմաստուն ըղձաձգութեամբ ՚ի ճոխածա-  
 ղիկ բարեաց գործոցն արդասաւոր ջան, զի  
 եղիցիս ցանկալի և Աստուծոյ և մարդկան.  
 Աստուծոյ՝ իբրև բարերարի քում և ա-  
 բարողի, մարդկան՝ իբրև մերձաւորաց քոց  
 և եղբարց: Նբրև տեսանես կամ զգաս յան-  
 ձին քում, թէ մարմինքո և հոգի ներհակ  
 ներգործութեամբք մաքառին ընդ իրեարս  
 վասն անգոսնելի և անխիղճ կենցաղավա-  
 րութեանցդ, իմա՛, թէ Աստուած մեկնե-  
 ցաւ ՚ի քէն զզուեալ ՚ի չարագործութեանց  
 քոց, և թէ կանուխ և թէ անադան ու-  
 նիս փախչիլ և դու յանցաւոր կենցաղոյս

անդարձ ճանապարհորդութեամբ 'ի մա-  
 հասահման արկանոց գերեզմանին, ուր ա-  
 ուաջինք քո դնային. ուրիմն աճապարհան-  
 հաս վաղազոյն մինչդեռ 'ի ճանապարհի  
 դանդաշես կենցաղոյս հաշտեցուցանել  
 ծննդովք բարեաց զայրի եղեալ հողիդ  
 ընդ անիրաւ մարմնոյդ, և ապա միութեամբ  
 նոցա հաշտեցուցանել զՍատուած լնդ քել.  
 զի մի' կրկնակի մահուամբ բարոյականաւն  
 և բնականաւն ելեալ քո յաստեացս, յա-  
 լիտե՛նական և անմահ մահուն ևս լիցիս  
 յանախ ժառանգորդ, ուր լուիցես 'ի  
 համաշխարհական հրապարակի ահեղ ա-  
 աննին Քրիստոսի զանտանելին զայն ձայն  
 դժուարալուր՝ երթայք յինէն անիծեալք  
 'ի հուրն յալիտե՛նական և այլն. Անբ  
 Ս. շխարհափրկչին Յիսուսի. երանի՛ ասէ  
 խաղաղարարաց, զինորբա որդիք Սատուծոյ  
 կոչեսցին. (Մատ. Ե. 9) : Խաղաղութիւն  
 ասելով ո՛չ զոր և իցէ կռուոյն զդադարե-

ցուցանելն միայն յայտ առնէ, այլև զհաշ-  
 տեցուցանելն հողւոյ ընդ մարմնոյ և եր-  
 կաքանչիւրոցն ընդ Աստուծոյ զայրացելոյն  
 յապականագործութեանց մարմնոյդ լըր-  
 բութեանց : Արա՛ ուրեմն զխաղաղութիւն  
 և երանելի լինիցիս . պատուեա՛ զիմաս-  
 տութիւն ըստ մեղուականին օրինակի .  
 զի ցանկալի հրեշտակաց և մեծարոյ զանձ-  
 նրդ գործեացեա, վասն զի գրեալ է՝ ուրա-  
 խութիւն եղիցի առաջի հրեշտակաց Աստ-  
 ուծոյ վասն միոյ մեղաւորի՛որ ապաշխարի-  
 ցէ (Ղուկ. Ժ. Ե. 10) : Ապաշխարելն զի՛նչ է .  
 եթէ ո՛չ ձեռնթափ լինել՛ի զաղրագործու-  
 թեանց, գալ՛ի զիղջ վասն գործեալ մեղացն  
 և հնազանդել զկամս մարմնոյ ներգործու-  
 թեանց՝ կամաց հողւոյն : Ապաքէն՝ մի  
 զարհուրիլ՛ի մեղաց, փութա՛ յապաշխա-  
 րութիւն, կրօնաւորեա՛ց բարեպաշտու-  
 թեամբ, և նոյնժամայն անուն կոչեսցի քեզ

խաղաղարար և կամք Աստուծոյ զի հա-  
ճեսցի տէր ընդ քեզ: (Ես. 48. 4):

Հուսկ յետոյ յառեալ դու զայս քո՛ր  
միւս զգուշաւոր դործս իմաստուն մեղ-  
ուացս, զոր քեզդ պատմել ոչ դանդաղե-  
ցայց:

### ՏԵՂԱՏԵՍՒՔ

Ի նորաթևարոյս ձագս մեղուաց են քանի  
միմեղուք ուժեղակք և վնհէ՛ժք քան զայլսն,  
զորս ՚ի գաւառս գաւառս պանծալոյն Հա-  
յաստանի՝ յորս դիրք են մեղուաց՝ անուա-  
նին Տեղատեք: Պաշտօնս սոցա ոչ այլ ինչ  
է, եթէ ոչ իբրև տեսանեն՝ թէ ձագքն  
հասեալ են յարբուս հասակի և գործեալ  
են յակիւնս փեթակին զփոքրիկ լուսաթոյր  
հացիկս մեղու, որք ըստ գաւառական կոչ-  
ման ասին Տեղակք կամ ոլոճիկք, ի-  
մացեալ տեղատեսացն ՚ի նշանէ անտի, թէ  
ձագքն վարժեալ կրթեցան ՚ի գործ մեղ-

բախազմութեան և պատրաստ են ելանել  
 իսկոյն յառաջագոյն ինքեանք ելեալ շրջին  
 աստանդեալ յանտառս և ՚ի լերինս ՚ի տես  
 և ՚ի խոյզ և ՚ի պատրաստութիւնս յար-  
 մարաւոր տեղւոյ առ ՚ի բնակութիւնս նո-  
 րահաս ձագուցն պարու՝ սպասողաց վե-  
 րադարձի նոցա, և իբրև քաջահաւան լի-  
 նին տեղւոյ իմիք, եկեալ ազդեն ձագուցն,  
 և նոքա իսկոյն ընդ ազդարարութիւն տե-  
 ղատեսացն բազմաձայն բզզոցաւ գրոհեալ  
 ելանեն խմբովին ՚ի փեթակէն, և փախչին  
 դէպ ՚ի հաւանեալ տեղին՝ զոր տեղատեսքն  
 ահակցեալ նոցա ցուցանեն: Բազմաշխատ  
 մեղուատէրն, որ բազմօրեայ հսկողու-  
 թեամբ փեթակ ՚ի ձեռին և ցաքատ ՚ի  
 դօտին ժամս ընդ ժամս ակնապիշ սպա-  
 սէր ելից նոցա, տեսեալ թէ ապատամբե-  
 ցան ձագքն՝ ամենայն արիութեամբ զհետ  
 պնդի նոցա, արագ արագ վերակնեալ պա-  
 հէ զհետս նոցա, զի մի՛ անյայտացին յա-

շաց իւրոց • բազում անգամ հող արկանէ  
 'ի բարձունս, զի փախստէիցն անձբե կար-  
 ծեալ զայն, դարձնթաց լիցին 'ի փախս-  
 տենէն, և իջաւան կալցեն ուրեք 'ի սահ-  
 մանս ճանճանոցին 'ի հայրենաստուր բնիկ  
 աշխարհի իւրեանց • և տեսեալ թէ այս  
 հնարք իւր նանրացան, իսկոյն ուշիմու-  
 թեամբ իմն ձեռածիւք և մտահաս լինի  
 յայլ հնարս 'ի նուաճել զկամակորու թիւն  
 ապստամբողացն չուականաց, արադ արադ  
 սուլէ, մերթ զպղնձեայ աման ինչ 'ի ձեռն  
 առեալ փոքրիկ ճիպտաւ կամ բեկորաւ  
 քարի հարեալ իբրև զանգակ զբազմա-  
 դիմի կնդնդիւնս հանէ, զի թերևս 'ի ձայն  
 պղնձեղինին իջցեն փախստեայքն, և բար-  
 ձեալ զեսեղեացէ յիւր փութակ, զոր 'ի  
 ձեռին կամ յուսն ունի նախապատրաս-  
 տեալ • իբրև տեսանէ ողորմելին թէ ոչինչ  
 կերպիւհնար եղև կակղել զկամակորու-  
 թիւն նոցա, յանճարութենէ յողոց հա-

նելով պհեա պնդի նոցա մինչև ցտեղին  
 նախատեսալ նոցա 'ի տեղատեսացն՝ յոքն  
 վերահնու թեամբ անկորուստ պահելով ըզ-  
 հեա ընթացից նոցին, և իբրև իջանեն  
 նոքա ուրեք 'ի լերինս, կամ 'ի ծերպս վե-  
 մաց և կամ յանտառս 'ի ծառս խոռո-  
 չունակս և ծոցաւորս, բարձեալ զնոսա  
 անտի պարունակէ յիւր փեթակ, զորոյ  
 զբերանն պինդ պատեալ բաճկոնսա իւրով  
 կամ շապկաւ դնէ 'ի վերայ ուսոց իւրոց  
 և բերէ ցնծալով յիւր մեղուանոց, քա-  
 ըրոզ խրախաձայն և աւետիա մեծ 'ի հե-  
 ոաստանէ հնչելով 'ի լակիս իւրոց ընտա-  
 նեաց, բարեկամաց և դրացեաց, թէ ուրախ  
 լերուք ընդիս, զի դաի զկորուստ իմ, միա-  
 մի'տ լերուք, զի կալայ զփախստեայ իմ մե-  
 ղուս, ահա ելէք տեսանել զփեթակս բե-  
 րանապինդ, զոր բարձեալ բերեմ ձեզ 'ի  
 մխիթարութիւն: Յւ ապա փաքր ինչ հաց  
 կերեալ և հանգիստ առեալ՝ մերթ ընդ

մերթ ձեռնաբռնուկ դըն կնոջն արարեալ  
 որ ունդլուկ 'ի պարանոցն խմորոս ձեռօք  
 թենէ թեկին ճեմելով ընթացակցի նմա  
 ցնծալով ելանէ 'ի տանէն յայց և 'ի տես  
 փեթակին յոչինչ գրեալ միանդամայն  
 զկրեալ նեղութիւնն վասն խնդութեանն,  
 զի կալաւ զնոսա և նուաճեաց զամեհութեան  
 թիւն և զապտամբութիւն նոցին:

Ապեալ փախտեայքս եթէ հաւանին  
 փեթակին՝ յոր եղան 'ի տեառնէն իւրեանց  
 խեղճն ամենայն արիութեամբ ձեռն 'ի  
 դործ զնեն պարապիլ մեղրագործութեան  
 առ 'ի պարտալճար լինել խնամոց և վաստակոց  
 նորա, այլ եթէ անհաւան այնմ  
 բերին, թէ և զսակաւ ինչ մեղր կազմեն  
 անդանոր, բայց անդոսնելի ծուլութեամբ,  
 և գողցես բռնութեամբ մշակեն իբրև  
 զգերի ընդ ձեռամբ զերողին սպասելով բա-  
 բերք համբաւոյ և ազդարարութեան տե-  
 զատեացն ելելոց 'ի խնդիր յարմարապատ-



շաճ տեղւոյ, զի ըստ ընտրութեան նոցա  
 ելեալ չուեսցեն՝ ուր տեղացոյց լիցին նոցա  
 տեղատեսքն: Տեսեալ խնամողին նոցա, թէ  
 այս ահամայ մշակութիւն և դանդաղու-  
 թիւն անիրացբառնալի է 'ի նոցանէ, և  
 թէ վաղ և թէ անադան մտադիր են նոքա  
 փախտեամբ իւրեանց նանրացուցանել ըզ-  
 վաստակս իւր և զջանս, բարձի թողի ա-  
 ըստեալ՝ ոչ և ս խնամ տանի նոցա, և ախով  
 վայով մտեալ ի տուն իւր նստի և պատմէ  
 կնոջն զաննուածելի զոչն մեղուաց և զլքա-  
 նելն զնոսա. մինչ այս մինչ այն և ահա տե-  
 ղատեսացն անդրէն դարձ արարեալ աղղեն  
 մեղուացն զգիւտ նոր տեղւոյ և նոցա ժամ  
 յաջողակ գտեալ փախչին ի նախասհաւան  
 տեղին, զոր ցուցանեն նոցա տեղատեսքն,  
 ուրանոր թէ և վայրենանան նոքա, այլ ան-  
 բաժան յիրերաց մնայ այս գերդաստան  
 մինչև ցմահ: Բնութեմատուր է նոցա և  
 երբեմն ըստ ընտրութեան տեղատեսացն

ինքնահալած փախչիլ տեղւոջէ ի տեղի, ի  
 ծերպից վիմաց ի ծոցաւոր ծառքս, ի ծոցոյ  
 ծառոց յորոգայթադրեալ փեթակս մե-  
 ղուորսաց, և անտի այլ ուրեք. բայց ուր և  
 տեղափոխեացին, ամենայն ուրեք միօրինակ  
 արիականութեամբ զերկասիրութեանն պա-  
 տուեն զհանդէս, զինքեանս բարի օրինակ  
 ընծայելով մարդկութեան. հոռակ ուրեմն  
 յետ բազմադէմ աստանդականութեան  
 մտեալ ի փեթակ ուրուք, անկանին վերս-  
 ան ի դիրս և ի ձեռս մարդկան, ուր կըր-  
 կին ընտանեցեալ գործեն զազնիւ մեղք ի  
 պանս պանս. բայց մինչդեռ ձագ են, կազ-  
 մեն զքճիճս սպիտակափայլս և զեզատե-  
 սիլս, այլ իբրև հնափետուր ծերութեամբ  
 տկարանան՝ զեղնագոյնս և զսեռապիս:

Ա՞յլ Աստուածատուր խմաստութեանս,  
 ո՞յլ զարմանալի խոհեմութեանս, բա՞բէ  
 մեծապարծուն հանդիսադրութեանս. ըն-  
 թանան լիարեքան գոհութիւնք առ Աստ-

ու ած. փանք Քեզ Աստուած, բազում  
 փառք, միշտ փառք, յաւիտեան և յա  
 շիտեանս յաւիտենից փառք, որ յայտոսիկ  
 անբան զիշատացս ազդեցեր, կանգաղե  
 ցեր, եզեր զայսչափ ոյժ, և զօրութիւն և  
 շնորհք, մինչև բանեղէն արարածոց քոյ  
 յօրինիլ զեղապանձ հանգիսարան երկա  
 սիրութեան, և լի պարծանօք և բազում զո  
 վեստաբանութեանց արժանաւորութեամբ  
 իւրածին քաղցրաճաշակ բարեաց վայե  
 լիցն ճոխութեամբ և ժրածիր բազմաջա  
 նասիրութեամբ ի զարմանս զարմանս  
 բերել զբաւել զպատուհանս մարմնոց տե  
 սողացն ինդ ուշոյ նոցա և մտաց : Ահա  
 անբան չքոսիքս սքանչանան քարոզ խրն  
 դալից բարեկրութեան բանաւորացս, յան  
 դիմանեն զճոյլս ի մարդկանէ, ապադործ  
 դատարկանձանոյն առաջի եզեալ զանան  
 գոսնելին աշխատասիրութիւն, զբիւրա  
 կերպեան բարեյուսութիւն նախապատմեն

յաշխատանայն ճղանց, և զչարիս մեծա-  
 մեծս զառ ի դատարկակեցու թե՛նէն պա-  
 տասեալս և պատասելիս : Գանդաղաջան  
 երկրադործայն յորդորեն զաշխոյժս ի դօ-  
 տէպինդ արիութեամբ արկանել ի հող  
 երկրի զարօր անդործ ժանկահար յակօ-  
 սաբեկ պատառումն փշապաշար և թանձ-  
 րահող անդոց, մասնացոյց յապառնի բիւ-  
 րաբեզուն պողարերու թեանցն պսակ լի-  
 նելով և ի դէմս ածելով ծուլիցն այնպի-  
 սեաց զխմաստուն զայն բան ուրումն եր-  
 ջանիկ, սկզկեցիկ պողարերէ փքր ինչ անդ-  
 քաջ մշակեալ քան զբազում անդաստան  
 անխնամ թողեալ : Զառ ի քուն թանձ-  
 րութեան հակեալ հովիւս իբրև խթա-  
 նառ իմն խթին, շարժեն և զարթուցանեն  
 յարթուն պետութիւն հօտին Քրիստոսի  
 յանձնեղելոյ ինքեանց և յանշորթելի  
 պսհպանութիւն նոցա ի դայլոց բանակա-  
 նաց և զառնաղղեօտելոց, զառետիս անսուտ

յուսոյ ասպագայ բարեգիւղու թեանցն հա-  
 լելով յականջս նոցա և ի միաս, թէ յե-  
 րևիլ հովուապետին ընդունիցիք զան-  
 թառամ միասացն պատկ (Ս. Պետ. Ն. 4):  
 Չանարի քահանայիցն զգասս զկրկին պատ-  
 ուոյ արժանաւորու թիւնն առաջի գնելով  
 որպէս թէ ձեռամբացի կալեալ ածեն  
 վերհաննն յամենապարծն արիու թիւն հա-  
 սանել ի ժամու և ի տարածամու և լինել  
 ջերմագու թ առ ժողովուրդ Տեառն Ամե-  
 նակալի : Չինատեաց և հեղգասէր զինուո-  
 րաց զպերճանալն կրկնակի պարզեօք կայ-  
 սերականօք և Աստուածականօք յառաջ  
 բերեալ վստահանալի գործնն նոցա զգնն-  
 զսուր և զճակատամարտ ընդդէմ տակեաց  
 առ ի շնորհել ազգին զանկասիած կեանս  
 և եկեղեցւոյ զան որրու թիւն և գլխաղա-  
 զու թիւն : Համայն հոլմեալ պարուց հո-  
 գեոր զինուորաց Քրիստոսի խոստանալով  
 զկնի յաստիս բարե ընու թեամբ կենցա-

զավարելոյ միախառնիլ ի սրբերամ զասս  
 անդամոց յաղթական եկեղեցւոյն անդ-  
 րանկաց գրեւոց ի յերկինս, նուազաձայն  
 հնչմամբ իւրեանց զմեծաշահ քարոզ կար-  
 դան, ջան դնել արխութեամբ զինուորիլ  
 ընդդէմ մարմնոյ, ընդդէմ աշխարհի, ընդ-  
 դէմ սատանայի և բազում նեղութեամբք  
 մտանել յայն հանգիստն և զուրախալին  
 զայն լսել զձայն Փրկչին, թէ ծառայ հա-  
 ւատարիմ մ՛ուտ յուրախութիւն Տեառն  
 քո: Մատ. ԻՆ. 21) : Զանիրաւ վարժա-  
 պետս յանդիմանեալ խրախուսեն ի կիրա-  
 ռութիւն ժամանակիորոց թողեալ զեր-  
 կասիրութիւնն և լքեալ զդասասացու-  
 թիւն ժամ առ ժամ զժամացոյցս հա-  
 նեալ ի ճոցոյն հային յերեսս նոցա տե-  
 սանել, թէ լցեա՞լ իցէ ժամանակն, զի կա-  
 ըիցեն փութով և լանել ի դասատանէն և  
 գիմել ի սնածաղիկ խաղս և յունայնու-  
 թիւնս աշխարհի, և զճոյլ աշակերտս նո-

ցա սախակնն յարխականութիւն, զի վարձեալ նոցա ի հրահանգս, յիւրումն ժամանակի գործեացնն զանձինս լւրեանց պատուելի ի հասարակութեանն, արժանաւոր ժառանգ եկեղեցւոյ և քաջ զինուոր հայրենեաց:

### ՏԵՂԱՏԵՍՔ

Խորակնեա՛ և տես արգոյ մեղուասէր զմեծասքանչ զայս գործ խնոց մշտաջան մեղուաց, որք զբանաւորաց յափշութիւն կրթնն զմիտս, կարծեմ թէ և քոյդ իսկ յափշտակեցան միտք տեսութեամբ սխրալի պատմութեանս, այն՝ յափշտակեցան: Զօրացիր և քաջ լեր, դարձ անդրէն յուշե՛ւննին գիր բանից խնոց, թէ տեսանես զոր ի համազդականաց մակացեալ վարժեալ ի հրահանգս իմաստից և կամիս զազգասիրութեանն ժառանգել շքեղ անուն, մի՛

թողուր զնա անխնամ և աննպաստ, և թէ  
 կարօտի խորհրդատուութեան, ա՛նք նմա  
 զխորհուրդ շահաւոր, և թէ կարօտի տեղ-  
 ւոյ պաշտաման, առ ի հայթայթել զաւու-  
 րըն պարէն, լեր նմա վաղազոյն տեղատես,  
 զի մի՛ յանցուսութենէն ի սեւամաղձու-  
 թեան հարեալ ախտ, յօժարեացի յան-  
 պատկանաւորս բերիլ, և հուսկ յետոյ թո-  
 ղեալ զհայրենիս մեղուօրէն փախիցէ յայն  
 տեղի, զոր այլք առաջնորդեալ ցուցցին  
 նմա : Քաղցրասցի՛ քեզ հայրանալ և եղ-  
 բայրանալ այրեաց և սրբոց և տիրանալ  
 տառապելոց և տարակուսելոց : վասն զի  
 զրեալ է, որ իւրոց ընտանեաց խնամ ո՛չ  
 տարցէ, ուրացեալ է ի հաւատոց : Տա՛ր ու-  
 բի մն ամենայն կարօտականաց խնամ, և և թէ  
 ո՛չ նոքա, գոնէ Աստուած կարէ լինել քեզ  
 փոխահատոյց ըստ այնմ թէ՛ յիշեա՛ Տէր  
 և զայնոսիկ, որք յիշեն զաղքատս ոչոր-  
 մաճութեամբ, և հատո՛ նոցա զպարտս



նոցա ըստ ընդարոյս առատութեան քուժ  
 հարիւրապատիկ աստ և ի հանդերձելու մն  
 (Խորհրդասանար) : Անր հեռեօղ խնամա  
 ղին մեղուաց . որ յամենայն զօրութենէ ջա  
 նահնար լինի զփախստեայնն դարձուցանել  
 անդրէն յիւր փեթակ բազմօրինակ հը  
 նարից յառաջբերութեամբ . ջանն դիր և  
 դու գիմագրաւ լինել փախստեան համազ  
 գայնոց քոյով մարդասիրութեամբդ , և ե  
 թէ ոչ ունին փոխարէն հատուցանելոյ  
 քեզ , հատուցի քեզ փոխարէն ի յարու  
 թեան արդարաց : (Ղուկ . ԺԳ . 14) : Ուր  
 և իցես դու , համարեա՛ քեզ լինել ի տան  
 քուժ . ամենայն ուրեք յանձին բեր զտիպ  
 մեղուաց . ջանասիրութեան . կա՛լ քեզ ՚ի  
 մարդկայինս յարացոյց զմեղուաջան վեհիս  
 իմոյ զտքնութիւնս և զջանասիրութիւն .  
 նա ցորչափ աստ էր , հարուստ ամօք տը ք  
 նեցաւ յազգաշահ վաստակս , այլ ոչ վա  
 հասեցաւ . փոխեցաւ յայլ տեղի , զնոյն

մարդկավայելուչ բարեջանութիւն պատուեաց, այլ ոչ դատարեցաւ, ամբարձաւ ի նախապետական ատոմ, այլ ոչ դատարի այժմ ևս ի մաշկոյ զկեանս իւր ի շինութիւն և ի շուք ազգին, և զի՞նչ այլ իցեն այս ամենայն տքնութիւնք նորա, եթէ ոչ յարդեւ զերկս, որով ազգք բազումք յոտին կանգնեցան, ի տաճար փառաց վերաթռեան և ի ծայրողոյն աստիճան լուսաւորութեան հասին: Լիւր մեղուացս ձայնի՞ ոչ վասն մեր միայն՝ ասեն, դործեմք զմեզր, լուր և շնորհալի առածին, կեանց վասն այլոց, իբրև ճնանի մարդ յաշխարհ, այս պարտաւորութիւն նորա ընդ կաթին մօր տղանայ ի սիրտ նորա՝ կեալ վասն այլոց, այս պարտաւորութիւն է և քո կեալ ի կենցաղումս ոչ միայն վասն անձին քում առանձինն, այլև վասն այլոց, խորհեա՛ մտառութեամբ զի՞նչ են ճնողք, եթէ ոչ հոգաբարձուք բարեմտութեան մանկանց:

Ո՞վ են որդիք, եթէ ոչ ստեղծեալք ի ծե-  
 րատածութիւն ճնողաց : Ո՞վ է արքայն,  
 եթէ ոչ բարեխնամ հայր հայրենեաց,  
 բռնաբարձ ազգին վշտաց և նեղութեանց :  
 Ո՞վ է իշխանն, եթէ ոչ բարերար ազգի և ե-  
 կեղեցւոյ. զի ոչ է մարդ իշխան մարդոյ  
 առանց ինչ յատուկ բարերարութեան, և  
 Աստուած իսկ բարերարութեամբն իւրով  
 իշխանութիւն ունի ՚ի վերայ մեր, որպէս  
 բանք են : Ո՞վ է հայրապետն, մարդ հրեշ-  
 տակացեալ ի մարմնի, և այս պանծալի  
 ախողոս վեհափառութեան վասն այնորիկ  
 տուաւ նմա, զի եղեցի ընդհանրական բազ-  
 մաչեայ դուխ և կառավար եկեղեցւոյ ի  
 սանձել զամեհիս, բացամերժել զվերերե-  
 եալ թիւր աղանդս : անարատ պահպանել  
 զեկեղեցին Աստուծոյ ի խօլադատութեանց  
 և բարեկարգել զամենայն : Ո՞վ է եպիսկո-  
 պոսն՝ այցելու այրեաց, խնամատար որբոց,  
 վերատեսուչ բարեկարգութեան եղելոյ ի

Հայրապետէն, սաստ վատթարաց, պար-  
 դեատու վաստակաւորաց և բարեկրօնից,  
 անարժաթասէր և անզօշարաղ կառավար  
 իւրոյ վիճակի եկեղեցեաց և եկեղեցակա-  
 նաց և ժողովեցեաց, մեծաջան հիմնա-  
 դիր դպրոցաց, և մեկե՛նաս ուսուցնակա-  
 նաց, որ եթէ թափուր յայսցանէ դատ-  
 նիցի ի սպառ, յայնժամ իշխան է հայրա-  
 պետն մեծ՝ պահ տալ զվիճակ նորա այ-  
 լում, որ անարան իցէ յամենայնի և կա-  
 րող արածել զհօան Քրիստոսի վայելչա-  
 պէս, ըստ մարդարէին բանի, թէ զայցե-  
 լութիւն նորա զայն այլք տարցեն: Ո՞վ է  
 վարդապետն, մեծազոչ քարոզ բանին  
 ճշմարտութեան ի շինութիւն հաւատա-  
 ցելոց: Ո՞վ է քահանայն, ո՞չ ապաքէն քեզ  
 պէս մարդ հողածին, այլ կարգեալ անտես  
 և մշակ այգւոյ ճեռն, յորոյ ձեռաց  
 խնդրեսցի արիւն ժողովրդեան Ամենակա-  
 լին Աստուծոյ: Ո՞վ է դատաւորն, ո՞չ ի հո-

դոյ անարդու թեան արարած ձեռացն  
 Աստուծոյ. այլ վասն բարեհամբոյր բնու-  
 թեան նորա շնորհեցաւ նմա այս յար-  
 դելի անուն, այս վսեմ վերտառութիւն ի  
 բարերարել մարդկան Աստուածահաճոյ  
 արդարադատութեամբ և ըստ ամենայն իս-  
 կութեան և զօրութեան սահմանադրեալ  
 օրինացն տառից դատ առնել որբոյն և ի-  
 բաւ առնել այրւոյն : Ո՞վ է զօրապետն. այր  
 հաւատարիմ գտեալ ըստ սրտի արքային  
 և կարգեալ յառաջնորդութիւն զինուո-  
 ըաց. այս վառաւոր կոչումն պետութեան  
 ընծայեցաւ նմա առ ի յաղթել թշնա-  
 մեաց և պահպանել զհայրենեան գաւառս  
 ի ցանկալի խաղաղութեան : Ո՞վ է զինուորն.  
 մարդ սոսկական, այլ թագաւոր ի բնու-  
 թեան իւրում, կարգեալ ի ծայրագոյն  
 հրամանատուէն աղգի և տէրութեան առ  
 ի բառնալ զզէն անխորդախ սիրոյ և զսուր  
 աննեկեղ հաւատարմութեան յօգուտ հայ-

բենեաց, և ի պատերազմին ընդ թշնամեաց  
 սրտապնդեալ դռնել և ասել զքան Մակա-  
 րայեցւոյն, թէ մարտիցուք քաջութեամբ և  
 մի՛ խառնեացուք զանուն վատութեան ընդ  
 քաջութիւնս մեր: Ո՞վ եմ ես, եթէ ոչ մի  
 ի մարդկանէ, հողածին անդամ հասարա-  
 կութեան իմոյ ազգին ծնեալ վասն ազգին:  
 Ո՞վ ես դու, եթէ ոչ կանանցսցածին մարդ և  
 որդի մարդոյ, եղբայր իմ, բարեկամ իմ,  
 ազգակից իմ, սիրելի իմ, ստեղծեալ ի մը-  
 խիթարութիւն մարդկութեան: Ո՞վ էր  
 Ադամ՝ նախահայր մեր, յառաջ քան զստեղ-  
 ծանիլն՝ ոչինչ, զինի յոչնչէն հող, ի հո-  
 ղոյն՝ մարդ, և ի մարդոյն տնտես և իշխան  
 ամենայն ենթալուսնեաց արարածոց: Ահա՛  
 տեսեր, թէ չէ՞ ոք յաշխարհումս վասն իւր  
 միայն, այլև վասն այլոց տեսեր, թէ պար-  
 տական եմք միմեանց օգնել, և զմիմեանց  
 բռն բռնալ, այն պարտական և միշտ  
 պարտական, որպէս վերտառելոցդ պաշ-

սամուէք յայտնի ցուցինքեզ, թէ ամենեւ  
 քին ստեղծեալ եմք ի ձեռնատուութիւն մի  
 մեանց, հարուստք՝ աղքատաց, քաղաքա  
 կանք՝ գեղջկաց, մեծք՝ փոքունց, ազատք՝  
 ծառայից, կարողք՝ տկարաց, ևս և անդրա  
 դարձաբար: Աւսիր՝ ուրեմն յիմագով մե  
 ղուացն սխրագործութեանց ոչ գործել  
 ինչ վասն քո միայն, այլև վասն այլոց, զի  
 առ այն ծնեալ ես դու, որպէս և ես և ամե  
 նայն ոք պատկերակից մեզ, առ այս յորդո  
 րէ և. առաքեալն ասելով՝ մի՛ ոք զանձին և  
 եթ խնդրեսցէ, այլև զընկերին... որպէս  
 և ես ամենեցուն հաճոյ լինիմ. ոչ խնդրեմ  
 զանձին օղուտ, այլ զբազմաց, զի ապրես  
 ցին. (Ա. Կորնթ. Գ՛. Ժ. 24 և 33.  
 ամենայն ինչ ձեր սիրով լինիցի ԺԶ. 14):  
 Ի վեր անդր ցուցաւ, թէ զերկուս կամ  
 զերիս այսօրածին Յեանաձագս միախառ  
 նեալ մեղուապանին, դնէ ի մի վե՛րժակ, և  
 նոցա անդէն անվճղով միաբանեալ մատչին

ի դործ մեղրաշինութեան ։ Յանկալի է ինձ  
 աստէն ևս վերակրկնել զայս բան ի լսելիս  
 մեղուասիրիդ առ ի տալ քեզ քաղել զպէս  
 պէս պտուղս շահաւորս միաբանութեան .  
 կարդան ու շի ու շով զԱստուածաշունչ սուրբ  
 տառան և զտղես զարմանալեաց արժանաւ  
 ւորս . զի բազմաթիւ այլասեռ զաղանք  
 և անասունք և թռչունք բնականաբար  
 թշնամիք միմեանց . որք են՝ առիւծ և արջ .  
 գայլ և ոչխար . շուն և կատու . արծուի  
 և այլ հաւք . հրամանաւն Աստուծոյ թռ  
 զին փոխեցին զբնական կարդ իւրեանց ի  
 Նոյեան տապանի . և սիրով գնացեալ վասն  
 օգտի իւրեանց . ազատ մնացին ի համայն  
 նաջինջ ջրհեղեղէն . և դու աշակերտ գո  
 լով Քրիստոսի ո՛չ կամիս միաբանիլ ընդ  
 ընկերիդ վասն օգտի քո . լնւր անսուտ վճռոյ  
 նախնի փիլիսոփայից . որք ասեն՝ միաբանու  
 թեամբ փոքրն մեծանայ . իսկ անմիաբանու  
 թեամբ մեծն փոքրիանայ . այս բան ի վա



դուց հէտէ ի բոլոր աշխարհի և յամենայն  
 ժամանակս փորձիւ ծանուցեալ է  
 ճշմարիտ սիրեալ և դու զմիաբանութիւնս  
 զի օրհնութիւն Տեառն հասցէ ի վերայ  
 քո և բնկալցիս զկեանսն յաւիտենից, որ  
 պէս ասէ սաղմոսողին բան, զի բարի, կամ  
 զի վայելուչ, զի բնակին եղբարք ի միասին  
 . . . անդ պատրաստեաց Տէր զօրհնութիւն  
 և զկեանսն յաւիտենից (Սաղմ. ՃԼԲ. 1. 2):  
 Զօգուան այսր մշտապաշտելի միաբանասի  
 բութեան յառաջագոյն ծանեալ և ծա  
 նոյց աշխարհի իմաստունն Սիրաք յասելն,  
 երեք բարեհաճոյացան հոգւոյ իմոյ, որք են  
 բնտիրք առաջի Ս. ստուծոյ և մարդկան, միա  
 բանութիւն եղբարց, և սէր մերձաւորաց,  
 և առն և կնոջ առ իրեարս համակամու  
 թիւն: (Եկղէս. ԻԵ. 1. 2): Ուրեմն ի վեր  
 տառելոցս յայտնասպէս երևի, թէ բարեբաղդ  
 է այն քաղաք, որոյ բնակիչք զմիաբա  
 նութիւն պատուեն: Բարեբաղդ է այն

առն, ուր սէր և միաբանութիւն թագա-  
 ւորէ, ուր եղբայր զեղբայր սիրէ, ուր ծնողք  
 հոգ ունին զլաւակաց, ուր զաւակք յարգեն  
 զծնողս, և այր և կին միաբան կան, անդ  
 օրհնութիւն Աստուծոյ, անդ գովութիւն  
 ի մարդկանէ, անդ երջանկութիւն, անդ  
 ցնծութիւն և ուրախութիւն: Զփորձ աշ-  
 խարհահոչակ միաբանութեանս այսորիկ  
 էառ մի ի թագաւորաց Ալիւթացւոց, որ  
 մերձ ի մահ գոլով, զութսուն որդիս իւր,  
 որք ժառանգք էին իւրոյ տէրութեան,  
 կաշեալ առ ինքն բազում բանիւք համա-  
 զէր զնոսա ի միաբանութիւն տալով ի ձե-  
 ուրս նոցա զանխորտակելի պուրակ բազում  
 զաւազանաց պինդ կապելոց ընդ միմեանս:  
 Մտնող Աստուծոյ, ուսիր և զու սիրել զմի-  
 աբանութիւն, զի սակաւդ յաւելցի, փոքրդ  
 մեծացի, և ընկալցիս, զոր չունիս: Ահա՛  
 քեզ մեղուասիրիդ զայս խրատ աւանդեն  
 միաբանական իմ մեղուք:

Եւ ես անդրէն դարձայց ի նկարա-  
գրութիւն հետեւեալ իրողութեանց զգու-  
շաւոր մեղուացս ցեղապետութեան :

ՁՄԵՌՆԱՄՈՒՏ ՄԵՂՈՒԱՑ

Յաշնան ժամանակի զգացեալ մեղ-  
ուաց զմերձենալ ձմերնային ձիւնածաղիկ  
ցրտոյն սաստկութեան, արդասաւոր իմն  
ջանադրութեամբ փութան բերեն զայլ  
նիւթս՝ որպէս աւանդութիւն է՝ յանու-  
շահոտ աղանդանունէ, յորոց և կազմեն  
զակն ա մ ո մ, և նովաւ սնդեալ ամրա-  
ցուցանեն զակունս և զծակոյկս փեթա-  
կին, և ապա հետ զհետէ զգուռն արկա-  
նոցին նոյնպէս մոմապատեալ փոքրկացու-  
ցանեն յանձնապահութիւն ի ցրտահա-  
րութենէ և ի դարանակալութեանց մնասա-  
դործ թշնամեաց, թռչնոց, մկանց, ցեցոյ  
և այլ սոցին նմանեաց, ի փոքրկութենէ  
ասա ի արկանոցին և ի սակաւ ելումտից

մեղուացն, դուշակնալ մեղուատեանն, թէ  
 մեղուք իւր ոչ ևս ժուժեն մշակել ի ցրտա-  
 գին ժամանակի, և շուրջ զիւրև հայեցեալ  
 տեսանէ ի հեռաստանէ զգաղաթունս լի-  
 րանց՝ ձիւնապսակս, իսկոյն անյապաղ ար-  
 ազաշարժութեամբ ձեռն ի գործ եղեալ  
 փակէ իսպառ կուազանդուած ծեփով կամ  
 լոկ խմորով զարկանոց փեթակին, զոր ապա  
 մեղուքն ի ներքուստ շապկեն, պարապնդեն  
 ակնամոմով, և իրրև անսա իկ ամրութեամբ  
 պատսպարեալ մնան, ձմերեն ի նմին մինչև  
 ցբարեխառնիլ աւուրց քաղցրաշունչ ե-  
 ղանակին գարնայնոյ:

Ո՞ մեղուասէր, եթէ յուշի ես, զար-  
 մանալի հնարխմայութիւն գովեստարա-  
 նեալս մեղուաց, որ քաղէ զգարմանս իմ՝  
 զարմանալի խրատ տայ և քեզ և ամենե-  
 ցուն, յորուստ ճոխարար զգարմանալիս  
 շահիլ կարես: Մեղուքս անձնապահ լի-  
 նին ի դարանագործութեանց թշնամեաց

և ի զբարոյ ձմեռան, ոչ բնաւ կարօտելով  
 ջերմութեան կրակի, պահեալ զայս ի մտի,  
 մինչդեռ յաշխարհի աստ կենցաղես իբրև  
 ի ձմեռնամերձ աշնան ի միտ բերել զվերջ  
 քո, թէ պարտիս երբ և իցէ ըստ տեառնա-  
 բարբառ. վճռոյն հողադարձութեան զըր-  
 տութեամբ ձմերան մահու ամբաստակիլ  
 յարկանոցի բանաւորաց զերեզմանի կնքե-  
 լոյ խաչիւն սրբով մինչև զգոչումն տեառ-  
 նագալուստ փողոյն, ուր բացցի քեզ նոր  
 դարուն անխաճան կենդանութեան: Աւ-  
 ընմն հողա՛ վասն հողևոր կենացդ, պա-  
 տապարեա՛, ամբացո՛ զքեզ բարեպաշտա-  
 կան կենցաղավարութեամբ ըստ հաճոյից  
 Տեառն Աստուծոյ քում, զի մի՛ իբրև  
 զմարդ զբտահարեալ, դող և սարսափ ան-  
 հնարին կալցէ զքեզ յանաչառադատու-  
 թեանն ահեղ ատենի, և դարանակալ  
 թշնամին մարդկայինս բնութեան ամենա-  
 չարն սատանայ ի հարցանել ճրկչին մերոյ

Յիսուսի Քրիստոսի, յոր է պատկերս այս  
կամ զիր, իմ, ասելով՝ իւրացուցէ զքեզ  
յաւիտեան, և տայէ անշէջ հրոյն զեհնի  
և արտաքին խաւարին, և անդ եղիցի լալ  
և կրճել ատամանց :

Մեղուատէրն տեսեալ զհեռակայ լե-  
րանցն կատարս ձիւնածածկեալ, ժամէ  
ի ժամ սպասէ տեսանել զնոյն ձիւնաբերս  
և ի սահմանս հայրենի բնակութեան մե-  
ղուաց իւրոց. հայեաց և դու ի մտեղէն լե-  
րինս նմանակիցս քեզ, երբ տեսանես զմարդ  
մեռեալ և ի ձեռաց մերձակայիցն ամփո-  
փեալ ի զերեզմանի, որ նշանակէ զերէ զա-  
մենայն, կամ ըստ պարսկականին նշանակու-  
թեան զ ի ր զամին, այսինքն՝ ի ներքոյ  
երկրի, զմտաւ ա՛ծ, թէ կանուխ կամ ան-  
ազան, այսօր կամ յեղուց պահեալ կայ  
և քեզ նմանօրինակ վիճակ մահաբեր ըստ  
անդառնուլի հրամանի Տեառն և ունիս  
զերի լինել զերեզմանի և զնիլ ի ներքոյ

երկրի. փութ ա՛ռ ուրեմն պերճ պճ՛ներ զքեզ  
 գործովք բարեաց, զի յետ յարութեան  
 մարմնոյդ լուիցես ընդ երջանկացն սրբե-  
 րամից. ծառայ բարի և հաւատարիմ...  
 մո՛ւտ յուրախութիւն Տեառն քո:

### ԳԱՐՈՒՆ ՄԵՂՈՒԱՑ

Յապահով և յանկասիած կացս ձմեռ-  
 նահան լինին սքանչելարուեստ մեղուքս,  
 և ապա ի դալ գարնան արտադրին փե-  
 թակքն, քակին կուտղանդուած ձեփքն,  
 բանին արկանոցքն, և պարկեշտասուն գեր-  
 դաստան մեղուաց զօրացեալ զուարթա-  
 ցեալ յոյժ յոյժ ընդ պերճանալ եղանակին  
 և ընդ բացադրութիւն ձիւնախաղաց ցրո-  
 տութեան, ուտեն ծախսն սակաւ առ սա-  
 կաւ զի վեր անդր նախապատմեալ իւրա-  
 գործ ակնամոմն առ ընդարձակել զճանա-  
 պարհ երթեկութեան իւրեանց և բա-  
 նալ զլուսամուտս յարկաց իւրեանց. ապա

իբրև ի վեհաւորի սաստիկ հրամանէ շար-  
 ժեալք մատչին ի մաքրել և ի սրբել զփե-  
 թակսն ի ներքուստ, զփերփս կափարիչս  
 ճակուկաց մեղք ահա հաց ի ց, զորս ի ձմե-  
 րան կերեալ են, զսատակեալ մեղուս, զորս  
 յետ կոյս փեթակին ժողովեալ են, և զկո-  
 տորակս մաղի կամ բճճի անկեալս ի փե-  
 թակին, արտաբերեալ թափնն յարկանոցն,  
 և յետ ամենայնի ի սրբափայլ բնակարանի  
 անդ թխակալ ծնանին զբոսրս :

Սիրական մեղուասիրիդ ահա՛ զհաւա-  
 տոյսն քարոզեն շքեղասպար իմ մեղուք.  
 ի ձմեռնահասն լինիլ նոցա՝ ծեփքն քակ-  
 տին, արկանոցքն բանին և ինքեանք ի խնա-  
 մակալուէն իւրեանոց իբրև ի կոչողէ ար-  
 տաքս ելանեն ի փեթակացն, յորս յերկար  
 ժամանակս ձմերեալ էին, այնուհետև ոտք  
 նոցա ընդարձա՛ին, թեք սրանան, ուր և  
 կամին, թէ ի վեր և թէ ի վայր, և ինքեանք  
 ժրացեալ ժողովն զհիւթս հիւթս յա-



նու շահոտ ծաղկանց առ ի կազմել զմեզ  
 արտրժածաշակ : Նւ արդ՝ զինչ այլ ինչ  
 կամիցի այս ամենայն յայտ առնել, եթէ  
 ոչ զքո մարմնոյդ յարու թեան ի գերեզ-  
 մանէ յանձին բերեն զտիպ, զի երբ Տէր  
 հրամանաւ ի ձայն հրեշտակապետի և  
 ի փող Աստուծոյ իջանէ յերկնից, յազ-  
 դեցու թենէ անտի փողագոչ ձայնին, թէ  
 արիք մեռեալք, եկայք ի դատաստան՝ քա-  
 կուեսցի հողանիւթեայ յարկ տապանի քո,  
 այսինքն բացցի գերեզմանէ, յարկցես  
 ի մեռելոց, երկուազինդ ոտիցդ տայի ազա-  
 տաքայլ ընդարձակութիւն, և երթիցես,  
 ուր գործք քո ածցեն զքեզ, եթէբարի են  
 գործքդ, յամիշտակեսցիս ընդ առաջ Տե-  
 առնն յօդս, և այնպէս յամենայն ժամ  
 ընդ Տեառն լինիցիս հրեշտակացեալ հիա-  
 նալի կենօք և անանց խնդու թեամբ, որպէս  
 հաւատարիմ բանք են սուրբ զրոյ, իսկ  
 եթէ չար՝ վայրասուզեալ իջցես ի դժոխս,

որպէս ձմեռնամեռ մեղուք ընկեցիկ լինին  
 ի դժոխս արկանոցին: Խնդապնդեաց ու-  
 բեմն աստէն իսկ մաքրել զքեզ յամենայն  
 ապականութեանց, զի ի դալ կենդանարար  
 զարնան մարմնոյդ յարութեան, եղիցիս  
 սրբեալ յաղտոյ մեղաց բնակարան Տեառն  
 Աստուծոյ քում: Եթէ մեղար, մի՛ զար-  
 հուրիր, եթէ վիրաւորեցար ի սատանայէ,  
 մի՛ երկնչիր բնաւ, զի կարես ապաշխարու-  
 թեամբ ջնջել զսպիսի մեղաց, և որպէս  
 վիրաւորեալ զինուոր առողջացեալ ի վիրաց  
 անտի պատահելոց ինքեան ի պատերազմին  
 ընդդէմ թշնամեաց, ընդունի զպարգևս  
 ի թագաւորէն իւրմէ, նոյնպէս և դու  
 զինուորդ Քրիստոսի ապաշխարութեամբ  
 բժշկեալ ի սատանայատուր վիրացդ՝ ըն-  
 կալցիս անխար յուսով զվարձ յերկնաւոր  
 թագաւորէն, վասնորոյ և ես ասեմ, ամէն,  
 եղիցի՛, եղիցի՛:

## ԲՈՌՔ

Բոռքն՝ որպէս բանք են՝ թխակալ ծը-  
 նանին զձագս. յեւանել յառաջնաձագուցն  
 ի փեթակական տէրութենէն, կան մնան  
 բոռքն ի կացի իւրեանց իբրև հարկաւորք  
 վասն ճննդագործութեան յեանաձագուցն,  
 այլ իբրև եւանեն երկրորդական կամ եր-  
 րորդական ձագքն, ոմանք ի նոցանէ ի միա-  
 սին ընդ ձագուցն եւանեն արտաքս, և կէսք  
 անդէն առ ետեղ մնան ի նախեղակ փեթա-  
 կի իբր ի տաշտաման ձագածնութեան.  
 ի տեղաւորիլ ուրեք ելեալ ձագուցն, իսկոյն  
 անդթութեամբ իմն յարձակեալ ի վերայ  
 կոտորեն զբոսս, զի մի՛ իբրև աւելորդք և  
 անաշխատք կերկցեն զմեզր նոցա, և ապա  
 ըստ ճիսի յուղարկաւորութեան իւրեանց  
 հանեն զդիակունս նոցա արտաքս ի գե-  
 րեզմանատուն արկանոցին. իսկ որք մնա-  
 ցինն ի փեթակին ձագածնութեան նոյնպէս

մահ ստացեալ ի մայր մեղուաց ձաղար-  
 ձակ փեթակին բերին առօք փառօք յար-  
 կանոցին դուռն ի դիակոյտ ժողովարան  
 հասարակաց :

Տես մեղուասէր, տես քանի՞ քանի  
 զարմանալեօք սխրացուցանեն զքեզ այսօ-  
 րինակ արարք մեղուացս • տեսանեն, զի բոռք  
 չեն իւրեանց նման, այլ այլակերպ, յարու-  
 ցեալ ի վերայ նոցա սպանանեն զնոսա և  
 բառնան յերեսաց երկրի զյիշատակս նոցա •  
 սպան և դու զառաջնաճնօղն Աստուած-  
 ընդդէմ մեղաց, զի մի՛ ճնցի ի քեզ և զայլ  
 մեղս • դու դիտես, զի պատկեր ես Աստու-  
 ծոյ, բարւո՛ք • իսկ այդ՝ պատկերակիցդ Աս-  
 տուծոյ լինել զի՞նչ է, եթէ ոչ ըստ ի-  
 մասանոյն Սողոմօնի ճշմարտութիւն և ուղ-  
 ղութիւն, ըստ այնմ՝ զայս ահա՛ գտի, զի  
 արար Աստուած զմարդն ուղիղ • (Ժող. Է •  
 30) : Իսկ ըստ առաքելոյն Աստուծոյ սրբոյն  
 Պօղոսի՝ որ մի և նոյն է՝ արդարութիւն և

սրբու թիւն ճշմարտութեան, ըստ այնմ թէ՛  
 և զգե՛նուլ զնոր մարդն, որ ըստ Աստուծոյն  
 հաստատեալ է արդարութեամբ և սրբու  
 թեամբ ճշմարտութեանն: (Յփես. Գ. 24):  
 և այլն: Ապա քէն՝ եթէ ուղիղ ստեղծար,  
 զանուղղութեան սպան զմայրն, զհար  
 աութիւն, զի «Հարսն կամելով կերա  
 ռանցել զամենեքումբք, ցաւի, եթէ ոք  
 կամի հաւասարիլ նմա, և ըստ այնմ ճնանի  
 թի նմանէ նախանձն. իսկ նախանձոտն՝ զի  
 «Դիւրեաւ բարկանայ այնմ, ընդ որում նա  
 թանձի, նմին իրի ճնանի թի նմանէ բարկու  
 թիւնն. և բարկութիւնն վասն ոչ կա  
 րելոյն առնուլ զվրէժ սրտի, վասնայսորիկ  
 թի բարկութենէն ճնանի ծուլութիւն և  
 արամութիւն. իսկ արամութիւնն խնդրե  
 լով զմխիթարութիւն, առնէ ազահ. իսկ  
 ազահութիւնն, զի յղփանայ ժամանա  
 կաւոր ընչիւք, պարապի յորկրամուլու  
 թիւն. իսկ որկրամուլութիւնն վասն խճողե

լոյ զորովայնն, բորբոքէ զբղջախոհոս թիւնն:  
 Ո՛ր բարեմիտ մեղուասէր, տեսն՞ր արդեօք,  
 թէ ո՞րպէս մեղք զմեղս ճնանին, ուրեմն  
 ուսիր և դու ի բռնասպան մեղուացս զա-  
 ւելորդսն բացամերժելի քէն, և թլփատել  
 զանթլփատու թիւն սրտի և ամենայն զգա-  
 յարանացդ, սպանն այսուհետև . . . զան-  
 դամս քողերկրաւորս . ի բաց ընկեազպոռն-  
 կու թիւն, զպղծու թիւն, զբիծ, զցանկու-  
 թիւն չարեաց և զազահոս թիւն՝ որ է կռա-  
 պաշտու թիւն: (Կողոս. Գ. Ծ): Եւ մի՛ այ-  
 սուհետև թաղաւորեացեն մեղք ի մահկա-  
 նացու մարմնի քում՝ հնազանդիլ ցան-  
 կու թեանց նորա: (Հռովմ. Զ. 12):

ՊԱՏԵՐԱԶՄ ՄԵՂՈՒՅ

Մեղուք միոյ զբքատեառն յանկարծ  
 ի վեր քան զակնկալու թիւն մարդոյ խան-  
 դարեալ զբարեկարգու թիւն միարանու-  
 թեան իսրեանց և ապաղործ թողեալ զգոր-

Տարան մեղրագործութեան, զօրածողով  
 լեալ չունն խաղան, գնան խումբ խումբ  
 կատաղի յարձակմամբ ի մարտ պատերազմ  
 մի ընդդէմ մեղուաց օտարաց. և այս մարտ  
 սաղրութիւն նոցա լինի սովորաբար յաշ-  
 նան ժամանակի կամ ի դարնան, և որք ա-  
 ռաւել ճոխքն են կամ հարուստք մեղերք  
 կամ վայրենիք և կամ քարաքնակք և ծա-  
 ռաքնակք, այսինքն ի ծոցաւոր տեղիս լե-  
 րանց և ծառոց բնակեալք և վայրենացեալք  
 և ամե հացեալք, առաւել յաղթող հան-  
 դիսանան յատպարիւղի անդ բռնամարտու-  
 թեանն մինչև տանիլ զղարմացումն մար-  
 դոյ. իսկ որոց սակաւ է մեղք, թոյլ են և  
 պատերազմողքն, նմին իրի և ո՛չ կարացեալ  
 յարասեակն մրցութեամբ զդէմ ունիլ  
 անաղորոյն կատաղութեան և աննուաճնի  
 կամակորութեան օտար մեղուաց, տակաւ  
 առ տակաւ ի պարտութիւն մասնին վու-  
 թանակի, յորոց ոմանք անդէն առ ետեղ

ի դաշտին ճակատամարտու թեան անկեալ  
 թաւալեալ համբուրեն զմահ, և այլք  
 զերեսս դարձուցեալ ի փախուստ, դեզևեալ  
 սասանդեն դտանել ինքեանց զքաղաք ա-  
 պաստանի: Յաղթականացն տեսեալ զըն-  
 կճումն, և զտուայտանս, և զուժաթափու-  
 թիւն պարտելոցն, սրարշաւ բերմամբ զրոհ  
 տուեալ յարձակին անտանելի կատաղու-  
 թեամբ ի մեղրահացս նոցա, և յաւար և  
 յաւեր հարեալ զքնակարանս նոցա, խլին  
 բառնան և տանին զմեղր նոցունց թողեալ  
 դատարկ զդեղատեսիլ բժիճան յողորմելի  
 դրու թեան: Սասանելոցս և տատամսելոցս  
 այսոցիկ տեսեալ, թէ արհաւ իրք մեծամեծք  
 ներքոյ և արտաքոյ պաշարեալ տիրեցին ին-  
 քեանց բաղմապաղատ բզաճայն հառաչ-  
 մամբ յօգնու թիւն կոչեն զտէր իւրեանց  
 զմեղուապանն, այլ ի զուր. դոչեն որքան և  
 ուժեն, այլ չարապատահու թիւն նոցա զամ-  
 քան զզամ սասականայ, և ոչ բնաւ զիւրի



ըստ Նարեկացւոյն, թէ ի գղութանայն աւ-  
 աւել յաւէտ մնասեցայ. . . . ի փոքունցն  
 փախուցեալ, մեծամեծացն մատնեցայ. և  
 միանգամայն չէ որ, որ հասցէ յօղնութիւն  
 նոցա. ընդ բզզածայն աղաղակ նոյա ոչ  
 այնքան արագահաս լինի նոցա ի թիկունս  
 տէր նոցին. և ոչ այնքան անձնդիւր լինին  
 նոքա, որքան մնաս կրին, զի այլ ևս օտար  
 մեղութեալ գհոտ մեղութեալ նոցա յափշ-  
 տակելոյ ի թշնամեաց, համաժողով բազ-  
 մութեամբ գան հասանեն, յօղնութիւն  
 յաղթողացն խմբի, ընդ որս և նոքա աւա-  
 ըեալ զմեղք ի փեթակաց ընկճելոցն բառ-  
 նան տանին և արկանեն ի շտեմարանս իւ-  
 ըեանց փեթակի յաճախ և սրարշաւ երթ-  
 և եկութեամբ : Յայսօրինակ բռնապարտու-  
 թենէ յաղթական մեղուացն երբեմն ամ-  
 բողջ զիրք մի, որ պարունակէ յինքեան  
 ի հնդից մինչև ցհարիւրաւոր փեթակս  
 հանգչի այսինքն՝ չքանայ առ պակա-

առ-թեան մեղու, որով անանիլ պարտ է  
 մեղուականին գերդատանի, և մնայ ի նու-  
 սին կենդանի և ոչ մի այլ ամենեքին նուա-  
 ղեալ ի համատարած սովուն սաստիութենէ,  
 վաղամահ լինին և ընուն զփեթակսն զխա-  
 կամբք իւրեանց և հողեվարօք, և այլ չմնայ  
 ոք ի նոցանէ, որ զգիտակունս փառաւորապէս  
 ըստ մեղուականին ծիօի յուղարկաւորեացէ  
 յարկանոց ձաղակորոյս գերաշխարան և  
 սղաւոր փեթակին:

Բարեշնորհ մեղուասէր, զի՞նչ արդեօք  
 իցէ կենդաղս, եթէ ոչ ասպարէզ պատե-  
 րազմի. եթէ մեղուք պատերազմին ընդ օ-  
 տար մեղուս, աստի հարկաւ զհետ դայ թէ՛  
 և զինուորին Սատուծոյ պատերազմիլ ընդ  
 թշնամւոյն սատանայի չէ անդոսնելի, այլ  
 կարի ճահաւոր և յաւէտ դովիլի, զի սա-  
 տանայ ըստամենայնի ջանահնար եղեալ  
 զտիւ և զգիշեր, շրջի և խնդրէ, թէ զով  
 կլանիցէ, ուրեմն փութամ, պարարտացի՛

զքեզ գործովք բարութեան, զի ի հակա-  
ռակամարտութեանն անդ ասպարիզի ան-  
սպարտելի մնասցես ի թշնաւոյն :

Մեղուք, որք հարուստք են կամ քա-  
րաբնակք, առաւել քաջասիրտք են և յազ-  
թօղք քան զայլս ընտանեկանս. յայսմանէ  
խմաստասիրեա՛ և ծանօթ, զի եթէ հա-  
րուստ ես առաքինական գործովք, ոչ եր-  
բէք կարէ սատանայ արկանել զքեզ յորո-  
գայթս իւր, և եթէ քարաբնակ ես,  
այսինքն յամուր վայրի ի վերնադաւառ  
բնակութեան երկնից սպարաստեալ ունիս  
քեզ յաւիտենական բնակարան, յաւի-  
տեանս յաւիտենից ոչ կարէ մերձենալ ի  
քեզ գող և աւար հարկանել զքեզ և  
զբնակութիւն քո, և դու թէ և միշտ յաշ-  
խարհի աստ հանդիպեսցիս փորձութեանց  
նորա, սակայն միշտ յազթեսցես նմա ան-  
ռամբն Քրիստոսի, զի մեծ է անուն նո-  
րա, և անառիկ՝ ամբողջ, յորում ամբա-

ցեալդ ես ըստ օրինակի ճաղար կենդանուոյ,  
 որ շինէ զքոյն իւր յանմատչելի վէմս և  
 ի գազաթունս բարձրաբերձ լերանց, զի մի'  
 կարիցեն թշնամեացն հասանել ինա ձեռք:  
 Ո՞վ էր, որ յաղթեաց մարմնոյ և աշխարհի,  
 և ոչ կարաց յաղթել սատանայի. յաղթեա՛  
 մարմնոյդ բռնութեան, յաղթեա՛ ունայ-  
 նութեանց աշխարհի, անշուշտ կարես և  
 յաղթող սատանայի լինել և խրախաձայն  
 ասել ընդ Քրիստոսի՝ քաջալերեցարո՛ւք, զի  
 ես յաղթեցի աշխարհի, այլ զգո՛յշ լեր, զի  
 մի' յաղթեացեն քեզ և աշխարհ, և մարմին և  
 սատանայ. եթէ յաղթեցիս, զըկանք  
 մեճ հասցէ քեզ ըստ մեղուացն զըկանաց,  
 զի հեռացի ի քէն Աստուած, հրեշտակք  
 և ամենայն սուրբք դարձուցեն ի քէն զե-  
 րեսս իւրեանց, և ամենայն ոք արհամար-  
 հեալ զքեւ ասացէ, ալէ՛Ք, զիսո՞րդ զատու-  
 նատաւ մենացեալ քաղաքն բաղմաժողով.  
 և եզև իբրև այրի լցեալ տրամութեամբ

ի մէջ հեթանոսաց, իշխան աշխարհին եղև  
 հարկատու: (Ողբ. Երեմ. Ս. 1): Եւ զի՞նչ  
 քեզ յայնմ հետէ, եթէ ոչ, մնայ միայն ընդ  
 նարեկեան զուարթնոյն զոչել՝ «զողացան  
 օտարք շարին զումարք զստացուած սրտիս  
 իմաստից՝ ըստ զրոյն կանխարանութեան,  
 որով եկն եհաս իսկոյն աստանօր իմաս-  
 տութեան ինձ նուազանալ ըստ առաւիո-  
 ղին, և առաւելուի ոչ բարւոյ ցանկու-  
 թիւն: (Նարեկ. ԾԵ):

Մեղուաց՝ որոց սակաւ է մեղր, սա-  
 կաւ է և զօրութիւն ի պատերազմի ընդդէմ  
 բռնամարտիաց, սոյնպէս եթէ սակաւ են  
 զործք բարեաց մեղուասիրիդ, սակաւատե-  
 է և ոյժդ ի պատերազմին ընդ թշնամւոյն  
 սատանայի, նմին իրի երբ և իցէ մատնեա-  
 ցիս ի պարտութիւն, և նա յաւար հարեալ  
 զքեզ, թողցէ զբնակութիւն քո աւերակ,  
 զի մի՛ ևս բնակեացի ի քեզ Ստուած. ու-  
 բեմն արժան է քեզ բազմապատկել զզործս

բարեաց պարճանաց առ ի յօրինել զքեզ  
ամենայն մասամբք բնակարան շնորհաց  
Տեառն Աստուծոյ :

Եթէ առ պակասութեան մեղու հանդ-  
չին չքանան բաղմաթիւ փեթակք ի դիրս  
մեղուանոցին, ապա առ պակասութեան  
իւղոյ բարեաց դործոց շիջցի և քոյդ կե-  
նաց լապտեր ըստ յիմարադաս հնդից կու-  
սանացն անփոյթութեան և անպատրաս-  
տութեան, և ի մտանել երկնաւոր Ֆեսային  
բազումս աղաղակեացես՝ Տէր Տէր, բաց  
ինձ, այլ այս ձայն ողորմագին աղաղակաց  
քոց նանրացեալ մերժեալ յերեսաց Տեառն,  
ի ծոց քո դարձցի ոչգիտական պատասխա-  
նեաւն հանդերձ, և ըստ շիջելալապտե-  
րութեանդ բացցի քեզ ոչ առազաստին՝  
որում անարժան ես դու, այլ դժոխոց  
դուռն, որպէս յաղաղակաց մեղուացն ոչ  
այնքան տէր նոցա հասանէ յօգնութիւն,  
որքան այլ ևս թշնամիք բաղմանան և վը-

նաս մնասուլ զնորք թափեն, սոյնպէս և  
 դու անօգնական մնացեալ ի դրունս անդ  
 դժոխոց լուիցես միայն ի սաղայէլէ զայս  
 ձայն, թէ այս այն այր է, որ ոչ արար զԱս-  
 տուած իւր օգնական, եկայք հալածես-  
 ցուք և հասցուք նմա, զի ոչ ոք է, որ օգ-  
 նեսցէ նմա:

Երբեմն դիպուածով իւրիք, կամ ըստ  
 ազդարարութեան ուրուք ի դրացեաց իւ-  
 բրե զայ մեղուատէրն և տեսանէ զխրոխտ  
 մարտադրութիւն մեղուացն, միանգամայն  
 և զպարտութիւն իւրայնոցն, և զանխրո-  
 կանաւորութիւն նոցա յերեսաց յանդուզն  
 յարձակմանց և յամենասաստիկ կատաղու-  
 թեանց հզօր հակառակորդաց, իսկոյն  
 զզլուխն տարուբերելով համակի յարտա-  
 սուս, և երբեմն ի յանկարծ տեսանելն զայն  
 աղէտս մեղուաց իւրոց՝ ուշաթափ անկանի  
 յերկիր, և ապա յետ միջոցի ինչ յուշ  
 եկեալ, և գիտացեալ հաւաստեալ, թէ օ՞

աարքն թափին զոգիս իւրոց մեղուաց, և  
 փոքր միւս ևս և ունի իսպառ հանդչիլ  
 բաղմափեթակ դիրք իւր, նոյն հետայն ա-  
 ըստընթացութեամբ իմն վաղեայ ջուր  
 բերեալ ի տանէն փչէ զպատերազմօղօքն  
 յարկանոցի անդ յելանելն նոցա ի վեթա-  
 կացն խուռն բաղմութեամբ, և ապա մինչև  
 ցթռչիլ նոցա ցանէ զնորօք զայլիւր կամ  
 զմոխիր, առ ի ճանաչել թէ որոյ են մե-  
 ղուք հարուածօղք իւրոցն, և ինքն աճա-  
 պարեալ դիմէ զնայ ի դիրս ամենայն դրա-  
 ցեաց իւրոց առ ի հետախոյզն լինել և  
 անսանել, թէ յոյր մեղուանոց մուտս առ-  
 նեն նշանաւորեալքն ալերք կամ մոխրով,  
 իբրև գտանէ զգողս իւր, դիմէ սրընթա-  
 ցութեամբ առ տէր նոցա և աստանդեալ  
 որոնէ և գտանէ զնա և բեկ բեկ ձայնիւ  
 պատմէ նմա մի ըստ միօջէ զամենայն անցան  
 անիրաւութեանց և զըկանաց՝ զորս հասու-  
 ցեալ են և հասուցանեն մեղուք նորա իւ-



բուժն մեղուանոցի, և յետ բազում ան-  
 գամ յողոց հանելոյ և ախուժուշ առ-  
 նելոյ աղերսահայցի նմանէ լինի, ի սէրն  
 Աստուծոյ բարեհաճիլ վուժով յոյժ ձեռն  
 ի դործ դնել վերաւորել զամեհացեալ մե-  
 ղուս իւր հատմամբ մեղրահայցից նոցա,  
 զի նոքա պարագեալ ի բուն դործս իւրեանց  
 ի համակերտութիւն նոյնպիսեաց, դադա-  
 րեացին ի կատաղութեանց և ի բազմամեա-  
 սաբեր զրկողութեանց և ի հասուցանելոյ  
 զմահ կենաց իւրոց մեղուաց: Աթէ տէր  
 յաղթականացն կամակար մտօք յանձն առ-  
 նու կտրել կամ ճեղքել և կամ ծակել  
 զմեղրահացս իւրոց մեղուացն, աղերսա-  
 հայցն գիտէ հաւաստեալ, թէ ունի խա-  
 ղաղութեամբ վերջաւորիլ մարտն, և նեղ-  
 սակրեալ մեղուք իւր փրկեացին յասպա-  
 տակութենէ և ի նեղութենէ հակառա-  
 կամարտիցն, իսկ եթէ ոչ յօժարի բնաւ  
 վերաւորել զիւրան, իսկոյն վերաւորեալ մե-

զուատէրն զայրացեալ յոյժ յոյժ, և ժամ  
 յաջողակ դտեալ, ծածկապէս ձեռնարկէ  
 ի դառն վրէժխնդրութիւն, այսինքն՝ կնճ  
 ուեալ կերպարանօք և արադ կրճմամբ աստա  
 մանց յառաջ մղեալ զանձն իւր ի փեթակս  
 անդ յաղթողականացն, և սուր շամփուր  
 արկեալ ընդ արկանոցս բոլոր փեթակացն՝  
 յորս բնակութիւն է մեղուաց զըկողաց,  
 քայքայէ և վեր ի վայր կործանէ զքաջերև  
 ոյթ մեղրահացս նոցա, խանդարեալ շփո  
 թէ զանպարսաւ կարգաւորութիւն զովես  
 տարանեալ կառավարութեան նոցա, զու  
 մանս վիրաւորէ շամփրովն, զոմանս կոտորէ  
 և մեղրաշաղախ առնէ, և զայլս՝ որք զե  
 լեմուտս առնեն ի դրունս արկանոցին՝  
 ի սաստիկ զայրութէ սրտին շարժեալ ի  
 բարկութիւն ոտնակոխ առնէ և հողոյ հա  
 ւասարէ: Եւ այսպէս խառնուփնդոր եղեալ  
 մեղուք ընդ մեղեր և դարձընթաց լեալ ի  
 զըկողութեանց, եթէ սաստիկ է վէրքն՝

աատակին ամենեքին. իսկ եթէ թեթեւ  
 կենդանի մնացեալքն միաբանեալ ի քաղա-  
 քական հասարակապետութեան և ի տնտե-  
 սական կենսակցութեան իւրեանց, պարա-  
 պին վերստին ի վերանորոգութիւն ցա-  
 ւելի աւերակաց իւրեանց: Պատահիւրբեմն,  
 զի օտար մեղուք առեալ զհոտ մեղու նո-  
 ցա համախմբեալ յարձակին պատե-  
 րազմաւ ի փեթակս նոցա և վրիժագործ  
 լինին նոցա, որպէս եղեն նոքա այլոց:

Ահա քեզ մեղուասիրիդ նոր հանդի-  
 սարան հոգեշահ բարեաց բանան զարմա-  
 նագործ իմ մեղուք, յորուստ քաղել կա-  
 րես հոյլս հոյլս պիտանաւոր խրատուց:  
 Վիրաւորեալ մեղուք ձեռնբարձ լինին ի  
 վնասելոյ այլոց և ի հասուցանելոյ զչար  
 ումեք, և պարապին ամենայն արիականու-  
 թեամբ ի վերանորոգութիւն աւերակաց  
 հայրենեաց իւրեանց. ջանդիր և դու հե-  
 ռանալ ի չարէն և զխանգարեալդ մեղօք

պատկեր Աստուծոյ նորագել ապաշխա-  
 րութեամբ: Յետ վերաւորելոյդ ի թ շնամեոյն  
 սատանայէ մի' իսպառ յուսակտուր լինիր,  
 մի' զարհուրիր ի մեղացդ, մի' վախիր բնաւ,  
 և մի' տսեր, թէ չիք հնարք վերականգնման,  
 զի այդ միայն անմարմնոց հրեշտակաց է  
 գործ անկանիլ և չկանգնիլ, որպէս և եղև  
 իսկ. գործ մարդոց բաղկացելոյ ի հոգւոյ և  
 ի մարմնոյ է անկանիլ և կանգնիլ ապաշխա-  
 րութեամբ՝ որպէս ասաց երջանիկ ոմն և  
 Ուրեմն սիրելի, յուսա՛ յամենահնար կա-  
 րողութիւն ամենազօրին Աստուծոյ, դա-  
 դարեաց ի չարեացդ սնածաղիկ սովորու-  
 թենէ, և ահա՛ դու քեզէն քեզ անտարակոյս  
 պատճառեացես զվերականգնումն ցանկալի  
 հրեշտակաց, որք ուրախանան վասն միոյ  
 մեզաւորի, որ ապաշխարիցէ ըստ հաւաս-  
 տութեան սուրբ զրոյն:

Օտար մեղուք յարձակին երբեմն ի զըր-  
 կողն, և վնասահասոյց նոցա լինին, որպէս

և նորա այլոց մեղուաց կղեն, և դու պա-  
 տուելի մեղուասէր միշտ պահեան զայս ի  
 մտի հաստատուն, զի զոր ինչ կամիս, թէ  
 արասցեն քեզ մարդիկ, այնպէս արան և դու  
 նոցա: Մեղուք միոյ դրքատեան զրկանս  
 հասուցին մեղուաց այլոց. իսկ միւս ևս մե-  
 ղուք օտարին վրիժագործ զըկողացն ցու-  
 ցան: Եթէ բարի արասցես ումեք, անշուշտ  
 բարիք հատուցին ի գոգս և ի գիրկս քո.  
 իսկ եթէ չարիք ումեք նիւթեացին ի քէն,  
 առանց կարծեաց՝ որով չափով չափես, նս-  
 վին չափով չափեսցի և քեզ ըստ առաքե-  
 լական բանիցն ճշմարտութեան, որ ասէ՝  
 եթէ զմիմեանս խաճաս իցէք, և ուտիցէք,  
 զգոյշ լերուք, դուցէ ի միմեանց սատակի-  
 ցիք: (Գաղատ. Ե. 15:) Եթէ բարեմուաց  
 առ բարեբարսդ դայիս, ապա և քոյդ բա-  
 րիք ի չարիս փոփոխեացին վասն քո: Աս-  
 տուած շարժի իբրև գկրիայ, և պատանէ  
 իբրև զառիւծ. Աստուած վասն չարախո-

սու թեանդ զումեքէ, թէ և առժամանակ  
 մի համբերէ, այլ երբ կամք իցեն նմա յա-  
 բուսցէ զոք չարախօսել զքէն. վասն խարե-  
 բայու թեանդ հատուցի և քեզ զրկալի  
 խարեբայու թիւն, զի զրեալ է, հատուցէ  
 նոցա տէր ըստ անօրէնու թեան նոցա. և ըստ  
 չարու թեան նոցա կործանեցէ զնոսա Տէր  
 Աստուած մեր: (Սաղ. 29, 21:) Եթէ զոք  
 զըպարտեցես, ծանիր հաւատեալ, թէ  
 դու ևս ոչ կարես ազատ մնալ ի զըպարտու-  
 թենէ. եթէ մորոս կոչես զերբայր քո,  
 պարտական մնասցես հրոյն զեհենի. եթէ  
 արատաւորեցեր զանարատն, զինչ շահ քեզ,  
 ոչ ապաքէն զնոյն շահեցիս և դու, զի զը-  
 բեալ է, որ արկանէ քար ի բարձունս, ի վե-  
 բայ զլիտոյ իւրոյ անկցի. մե՛ զքէ քեզ զա-  
 զաւնին պատուհասել և զազուան անպա-  
 տիժ թողուլ, որոյ վասն Աստուած զսուր  
 իւր սրեալ է և զաղիզն իւր լարեալ և զնետս  
 իւր այրեցելովք է գործեալ, որպէս ասէ

գիր: Ուրեմն՝ զղոյշ լեր յանիրաւի չգրկել  
 զոր, չբամբասել, չխուել և չվերաւորել ի  
 տարապարտուց, զի մի՛ և այլք նոյնօրինակ  
 կշռութեամբ փոխաստոյց քեզ լիցին, և  
 յասաւոր ատենին Քրիստոսի լուիցես զայս  
 ձայն աստուածաւ սրտիդ՝ հասին մեզք  
 նորա մինչև յերկինս, և յիշեաց տէր զա-  
 նօրէնութիւնս նորա, և հատուցէք դմա,  
 որպէս և հատոյցն ձեզ, և առցէ դա երկ-  
 պատիկ ըստ գործոց իրոց, և զբաժակն՝ որով  
 խառնեացն՝ խառնեցէք դմա կրկին, և որ-  
 չափ փառաւորեաց զինքն, և խայտաց, այն-  
 չափ հատուցէք դմա զսուգ և զտանջանս,  
 զի ի սրտի իւրում ասէր՝ եթէ յամենայն  
 ժամ նստայց ես թագուհի, և տյրի ոչ ևս  
 եղէց, և զսուգ ոչ տեսից, վասնայսորիկ ի  
 միում աւուր եկեացեն ի վերայ դորա հա-  
 րուածք, մահ և սուգ, և սով, և ի հուր  
 այրեացի, զի հզօր է Տէր Աստուած, որ դա-  
 տեցաւ զնա. (Յայտ. ԺԸ. 5, 6, 7, 8) :

Այլ էթէ դժկամակեալ տեառն յա-  
 վշտակարար մեղուաց՝ ոչ համաձայնեացի  
 քնաւ իւրիք իրօք վիրաւորել զիւրան, և սան-  
 ձել զկատաղու թիւն նոցա և զմնասատո-  
 ւու թիւն, և մինչև ցվախճան մեղուակա-  
 նին զարմանալի պատերազմին աչալուրջ  
 հսկողութեամբ զգուշացի իւրոց փեթա-  
 կաց, զի մի՛ ձեռք օտարաց զաղտագողի  
 մտեալ՝ վիրաւորեացեն զիւր մեղուս, յայն-  
 ժամ աղերսահայցն տեսեալ, թէ չնք այլ  
 ևս ճար և հնար վիրաւորելոյ զնոսա, քանզի  
 զգոյշ է տէր նոցա, վազս առեալ դէպ ի  
 մեղուանոց իւր, պտանէ զայլ եզանակ հնա-  
 ըից մնասելոյ ի սպառ ամեհեացն գնդի,  
 զսպելոյ զբռնու թիւն նոցա, բառնալոյ յե-  
 ջեսաց երկրի զկենդանութիւն նոցա և ա-  
 զատ պահելոյ զիւրան ի մօտալուտ չարեաց  
 և ի չարաչար վտանգիցն, զորս ի նոցունց  
 կրեն իւրքն, և ահա՛ վերջին հնարք նորա,  
 քայց հնարք զարմանալի, լի անխար յու-



սով. զփեթակսն իւր՝ յորս զրոհ տուեալ  
 մտաննն օտար մեղուք ի յափշտակութիւն  
 մեղու, բառնայ ի դրից իւրոց. և դնէ՝ յայլ  
 տեղւոջ ի թագսանն, իսկ յայլ դատարկ  
 փեթակս արկեալ սակաւ ինչ մեղր դնէ  
 ըստ նախնական շարակարգութեանն ի տեղիս  
 թագուցելոցն. և իբրև գող մեղուքն ըստ  
 առաջնոյն խրոխտալով վերստին գան մտա-  
 ննն յայնս, կարծելով թէ մտաննն ի փե-  
 թակսն՝ զորս առին պատերազմաւ, և պա-  
 րապին ի բարձու մն մեղու նենգութեամբ  
 անդր եղելոյ, նոյն ժամայն զայրացեալ տէրն  
 պինդ կալեալ կապէ զարկանոցն, և սակաւ  
 հուր արկեալ ի նոսա այրէ զամենեւին, ո-  
 րով և վրիժահան լինի յանլուր զրացելոյն  
 իւրմէ, և յետ այսր ամենայնի յապահովի  
 կացուցեալ զիւրսն յերեսաց անտի ան-  
 գութ ներգործութեանց օտարին մեղուաց  
 բերեալ դնէ խայտալով զթագուցեալ փե-  
 թակսն ի ճանճանոցի իւրում, զայսպիսի

ապահովութիւն գտեալ ներկելոցն փութ  
թան դարձեալ ընուլ մեղու զգատարկեալ  
մաղս իւրեանց:

Մեղուատէրն արթուն հսկողութեամբ  
զգուշանայ պահպանութեան մեղուաց  
իւրոց, զի մի' թշնամի սք վէրս ինչ կամ  
փնաս հասուցէ նոցա: Տուցակ է այս ար-  
թուն և անձնադիր հովուաց եկեղեցւոյ,  
որք պարտին տքնիլ ի վերայ հօտին պահ-  
պանութեան առ ի չտալ թոյլ օտարաց, կամ  
ապստամբելոց և սուտ վարդապետաց, մեր-  
ձիլ ի հօտ անդր Քրիստոսի և ստերիւր  
մեկնութեամբք և թիւր վարդապետու-  
թեամբք սպրդեալ մուծանել ի նոսա զհեր-  
ձուածս կորստեան: (Բ. Պետ. Բ. 1): Ձի  
իսկական պարտաւորութիւն է հովուաց  
զգոյշ լինել հօտին, յորում եղ զնոսա  
Հոգին սուրբ տեսուչս. Գործ. Ի. 28. քա-  
լոզել զբանն, հասանել ի ժամու և տարա-  
ժամու: (Ե. Տիմ. Գ. 2). վերակացու լի-

նել հաւատարիմ բանին վարդապետու  
 թեան (Տիտ. Ա. 9). և լուսազարդ բանիւք  
 բացէ ի բաց հերքել զչար հերձուածս  
 վերերեւեալս ի ժողովրդեան ֆրիստոսի հա-  
 կառակ բանին Աստուծոյ, զի մի՛ ոք զքրիս-  
 տոսեանսն զառանցուսցէ պատիր բանիւք:  
 (Կորոս. Բ. 4) :

Վնասընկալ մեղուատէրն տեսեալ թէ  
 դրացի իւր ոչ յանձն առնու իւրք իրօք  
 սանձել զզազանարարոյութիւն իւրոց մե-  
 ղուաց, ինքնին յիւրոց մտաց ստեղծանէ  
 զզեզջկական նոր հնարս դադարեցուցա-  
 նելոյ զամեհութիւն կատաղելոցն: Այս հը-  
 նարիմացութիւն նորա ուսուցանէ քեզ,  
 մեղուատէր, զի եթէ զմարմնոյդ բնութեան  
 մնասարեր կատաղութիւնս անսանձելի տե-  
 սանես, բունն հար զայլ հնարից առ ի  
 կարճել նուաճել զպարսաւելի խորհուրդս  
 նորա և ներգործութիւնս, զի մի՛ ի գալ ա-  
 լուր տեսուն իբրև զգող, յորում երկինք

տաղնապառ անոցնն, և բնութիւնք հրով  
 կիզեալ լուծցին (Բ. Պետ. Գ. 10) յայտ-  
 նեացին ամենայն գործք քո, և ապականեալ  
 յօժարութիւնք մարմնոյդ կամաց, և ըն-  
 կալցիս զանվախճան պատիժ պատուհասի  
 զհուրն յաւիտենական և զտանջանսն յա-  
 ւիտենական : (Մատ. ԻԵ. 41) : Ուսիր և  
 ծանիր հաւաստեալ, զի ըստ առաքելոյն  
 բանի, խորհուրդ մարմնոյ մահ է, և խոր-  
 հուրդ հոգւոյն կեանք և խաղաղութիւն .  
 քանզի խորհուրդ մարմնոյ թշնամութիւն  
 է յԱստուած, զի օրինացն Աստուծոյ ոչ  
 հնազանդի, նաև կարէ իսկ ոչ . զի որք  
 մարմնովն են, Աստուծոյ հաճոյ լինել ոչ  
 կարեն . . . . զի եթէ ըստ մարմնոյ կեցջիք,  
 մեռանելոց էք . իսկ եթէ հոգւով զգործս  
 մարմնոյ սպանանիցէք, կեցջիք : (Հռովմ.  
 Ը. 6. 7, 8, 13) :

Մեղուատէրն առ ժամանակ մի ի թա-  
 գստեան պահեալ զիւր մեղուս նեղեալս

յերեսաց չարագործութեանց և անիրա-  
 ւութեանց օտարաց, ապա ի հրով դատելն  
 զնոսա, ի լոյս ածէ զիւրսն խնդալով և  
 դնէ փառաւորապէս ի մեղուանոցի իւրում:  
 Այսպէս որք քրիստոսեանքն են, պարտին  
 ի չարչարանս և ի հալածանս կալ մնալ առ  
 ժամանակ մի, այսինքն յաստիս յերեսաց  
 ամբարշտաց և մեղաւորաց, զի գովի մե-  
 ղաւորն ի ցանկութիւն անձին իւրոյ, և որ  
 զըկէն և նա գովի: (Սաղ. Թ. 25): Այլ  
 յանտիս մեծապարծուն ամբարիշտք իջցեն  
 ի դժոխս ի հուրն անշէջ, և հալածեալքն  
 վասն արդարութեան վայելեցեն յանկո-  
 ղոպտելի երջանկութեան: ըստ այնմ՝ ե-  
 րանի սղաւորաց, զի նորքա մխիթարեցին:  
 (Մատ. Ե. 4): Ըստ որում Աստուած նոցա.  
 . . . ջնջեցէ զամենայն արտօսը յաչաց նո-  
 ցա, և մահ ոչ ևս գոյ, ոչ սուգ, և ոչ ա-  
 ղաղակ, ոչ ցաւք և ոչ աշխատանք ևս գոյ, զի  
 առաջինն էանց: (Յայտ. ԻԱ. 4): Եւ տես

ցին, զընդարձակութիւն քաղաքին ոսկի  
մաքուր որպէս զապակի պայծառ . . . և ոչ  
մայէ անդ ամենայն չարակամ և պիղծ և  
ստուծիւն, բայց միայն որք զընայք են ի  
դպրութեան կենաց դառննն. (ԻՍ. 21,  
27) և ծառայք նորա պաշտեսցեն զնա, և  
տեսցեն զերեսս նորա . . . և զիշեր ոչ եղիցի  
անդ, և ոչ եղիցին անդ պէտք ճրագի, և  
լուսոյ արեգական, վասն զի Տէր Աստուած  
լուսաւորեցէ զնոսա, և թագաւորեսցեն  
յաւիտեանս յաւիտենից. (ԻԲ. 3, 4 և 5):

ՀԻՒԱՆԴՈՒԹԻՒՆ ՄԵՂՈՒԱՅ, ՄԱՀ ՆՈՑԱ  
ԵՒ ՀԱՆԴԻՍԱԿԱՆ ՅՈՒՂԱՐԿԱԻՈՐՈՒԹԻՒՆ

Մեղուք բաց ի պէս պէս վտանգից պա-  
տահելոց ի հողմոց, ի թռչնոց և յայլ ճա-  
խորդ պատահարաց ի ճանապարհի անդ  
ճաղկաքաղութեան և ջրարերութեան հի-

ւանդանան ի խայթեւն զոք, որոց խարտքն  
 Տնան ի խայթեւան, և ինքեանք խմայեալ  
 զմտալուտ մահ իւրեանց, աճապարեալ  
 դիմեն ի բնակարան իւրեանց առ ընկերսն,  
 և անդ թաւալեալ մեռանին: Բարձեալ  
 կենդանի մեղուաց զմեռեալս իւրեանց, է  
 որ՝ բզզալով, և է որ՝ լռութեամբ՝ հաննն  
 արտաքոյ քաղաքի բնակութեան իւրեանց  
 և ձգեն յարկանոցսն, ընդ որս ինքեանք ան-  
 ցուդարձ ունին, և բաց յայտցանէ երբեմն  
 տեսանին յարկանոցին հրապարակի՝ մե-  
 ղութ՝ կենդանիք, ալ խարտալուրիք,  
 թեառք, ոտնառք և այլ և այլ կերպիւ ա-  
 բառաւորք, վասն՝ զի տեսեալ զնոսա ողջա-  
 ցրն, թէ ան յոյս հիւանդ են, և ոչ ևս կա-  
 բեն պիտոյանալ ի գործս մշակութեան  
 մեղրակաղմա թեանն պատուական գոր-  
 ծարանին ի բարկութիւն բրդեալ և յար-  
 ձակեալ ի նոսա կալնուն զօճեաց նոցա յա-  
 ջմէ և յահեկէ, և հաննն արտաքս ի կա-

ցոցաց կենդանեացն յաշխարհ մեռելոց իբր  
 ի դատապարտարան, որոց անդէն անկեալ  
 հողեւիլարեալ, յետ սակաւ նրբական աւա-  
 դածայնու թեանն սատակին:

Ամենայն մարդ յերեքալեան ճանապար-  
 հի բազմարկածեան կենցաղոյս կարէ ան-  
 կանիւ ի ներքոյ պէսպէս հողևոր և մար-  
 մնաւոր հիւանդու թեանց, այլ միշտ նոյն-  
 հետայն պարտի մեղու օրէն մտաբերել զիւր  
 սեփհական հայրենիս ըստ աւաքելաքարոզ  
 պատուիրանին թէ՛ զվերինն խնդրեցէք,  
 ուր Քրիստոսն նստի ընդ աջմէ Աստուծոյ,  
 զվերինն խորհեցարուք, մի՛ զայս՝ որ յեր-  
 էրի ասա է: (Աողոս. Գ. 1, և 2): Եւ որպէս  
 հիւանդոտ մեղուք ըստ հասարակաստեղծ  
 բնաւորու թեանն նախ աճապարեալ խառ-  
 նին ի դասս ողջաց, և ապա անկեալ մե-  
 ռանին ի փեթակին թագաւորու թեան,  
 սոյնպէս և ամենայն ոք հիւանդացեալ թէ  
 հողևով և թէ մարմնով, պարտի ճշմարիտ



զղջմամբ և ցաւագին խոստովանու թեամբ  
 մեղաց իւրոց նախ՝ հաղորդիլ կենդանարար  
 Մարմնոյ և Արեան Տեառն, ոգեխառնիլ ընդ  
 նմա, և հուսկ յետոյ՝ յետ տեղի տալոյ  
 կենդանու թեան ի մարմնոյն գոյու թենէ,  
 ամենայն ուրախու թեամբ զիմել ի վեր-  
 նագաւառ բնակու թիւն երկնից խորանաց,  
 որպէս ի սուրբ մկրտու թեանն պատուիրե-  
 ցաւ նմա յասել քահանային՝ առ զլապ-  
 տերս հաւատոյ և բարի գործոց, զի ի գալ  
 երկնաւոր Փեսային արժանասցիս մտանել  
 յառագաստն լուսոյ երկնից խորանաց :  
 (Մաշտոց) Ասացի ամենայն ուրախու թեամբ  
 վասնայնորիկ, զի որպէս այր հաւատարիմ  
 հրաւիրեալ առ երկրաւոր արքայ իւր, ու-  
 րախու թեամբ ճանապարհորդի, սոյնպէս և  
 ամենայն ուղղափառ և բարեկրօն քրիս-  
 տոնեայ ճանապարհորդեալ առ երկնաւորն  
 Թագաւոր, պարտի կրկին ուրախու թեամբ  
 փոխիլ յաշխարհէս, մի՛ զի փրճանի յու-

նայն կենյաղոյս անկայուն վայելչու թեանց,  
 որք որքան խտտղեցուցիչ են աչաց, այն-  
 քան և վտանգաբերք յամենայն քայլափոխս  
 մեր. և երկրորդ՝ զի որ փոխի յաշխարհէս,  
 առ Աստուած փոխի. ի մեռելու թենէ, ի  
 կեանս, յապականու թենէ, յանապականու  
 թիւն, ի փոփոխական վայելից՝ ի մշտա-  
 տեանն վայելչու թիւն, ի հովտէ տրտ-  
 մու թեան՝ յանանց ուրախու թիւն, ի խա-  
 ւարէ, ի լոյս, յառօրէիցն՝ ի մշտնջենաւո-  
 րու թիւն, որոց վասն ի դէպ դայ ամենայն  
 բերանոյ ստէպ ստէպ կրկնել զքան սուրբ  
 զրոյ՝ երանի մեռելոց, որք ի Տէր ննջեցին :

**Մեղուք** զմեռեալս իւրեանց անդր  
 ձգեն, ուր ինքեանք անցուղարձ առնեն.  
 զի՛նչ յայսմանէ մահարեբել պարտ է, եթէ  
 ոչ՝ յանցանել մեր ընդ գերեզմանս հան-  
 զուցելոց, իսկոյն պարտիմք զմտաւ ածել.  
 Թէ որովհետեւ հողած ին կմք և վճիռ ան-  
 զարձ յառաջագոյն նախակնքեալ է մեզ

դառնալ ի հող, ուստի առաք, ուրեմն մեզ  
 ևս երբ և իցէ կանուխ կամ անազան հարկ  
 է մտանել ի հող զերեզմանի: Եւ որպէս մեք  
 զայլոցն ընթերցաք և ընթեռնումք և ըն-  
 թեռնոյ եմք զսատանագիրս, նոյնպէս և  
 այլք զմերս տեսցեն և կարդասցեն յիւ-  
 բումն ժամանակի, որոյ վասն գեղեցիկս  
 խօսի մերս քերթողահայր յասելն՝ և այս-  
 պէս բարեկարգութեամբ վարեցեալքն նո-  
 վին միսիթարին յուսով՝ դարձեալ զնոյն ըն-  
 դունել յանձինս յիւրաքանչիւրն հասեալ  
 վախճանի: (Գիրք պիտոյից յազագս զե-  
 րեզմանակրկտի:)

Արատաւոր մեղօք կենդանւոյն զնին  
 ի զերեզմանի արկանոցին: Յայսմանէ ու-  
 սանիլ պարտ է մեզ, թէ մարդիկ՝ որք պէս-  
 պէս մեղօք արատաւորեալքն են, թէև  
 կենդանի են առաջի մարդկան, այլ բարո-  
 յականապէս ի կարգս մեռելոց են համա-  
 բեալ առաջի Աստուծոյ ըստ այնմ թէ՛

այսպէս ասէ Տէր . . . տեսի զգործս քո, զի  
անուն կենդանւոյ ունիս, և մեռեալ ես,  
լեր արթուն, և հաստատեալ այսուհետեւ,  
զի հանդերձեալ ես մեռանիլ, քանզի ոչ  
գտի զգործս քո կատարեալ առաջի Աստուծոյ: (Յայտ. Գ. 1 և 2):

Մեղուք՝ որք յաւուրս ներդրեալեանց  
հասելոց ինքեանց յերեսաց անիրաւոյ  
թեանց օտար մեղուաց՝ գնին ի թագրու  
տեան, յոչինչ գործ պարապեալ բնաւ,  
կիրակէ առնեն զօրն զայն համաձայն կա  
մաց Տեառն իւրեանց: Հարապա մե  
ղուասէր, եթէ չես բթահայեաց յօրէնս  
Տեառն Աստուծոյ, ասա խոհեմ մեղուքս  
իմ քարոզեն քեզ սուրբ պահել, տօնա  
խումբել զօր միաշարածին, այսինքն է  
զվեց օր գործել և առնել զամենայն գոր  
ծքս քո, իսկ յաւուրն եօթներորդի շա  
բած Տեառն Աստուծոյ քում, յորում պար  
տական ես, այն պարտական և միշտ պար

տական զնալ յեկեղեցի, որ է տուն ճեանն  
 և տուն աղօթից՝ և անդ փառաւորել զաս-  
 տուած արարիչ քո, և հողւով և ճշմար-  
 տութեամբ երկրպագանել նմա, զի օրհ-  
 նեաց տէր զօրն եօթներորդ և սրբեաց զնա  
 Նլից. ի. 11.: Իսկ եթէ պղծեացես զնա,  
 մահու մեռանիցիս, զի ամենայն՝ որ դոր-  
 ծիցէ ի նմա դործ, սատակեսցի, ասէ զիր:  
 Նլից. ա. 14.: Ազաչեմ զքեզ մտառու-  
 թեամբ քննել զայս պատուիրանն ընախ՝  
 զի տուօղն է Աստուածն երկնի և երկրի  
 և ամենայն արարածոց երևելեաց և ան-  
 երևութից: Երկրորդ՝ զի պատուիրանա-  
 զանցիցն զմահ սղառնայ, յրպէս պատա-  
 հեցաւ երբեմն ողորմելի աղքատի ուրումն  
 ելելոյ ի տանէն յաւուր կիւքակէի ժո-  
 ղովիլ զփայտ, և ահա անդէն դառն մա-  
 հու եղև ժառանգաւոր. կամ յրպէս յա-  
 ւուրս մեր իշխանաւորի միում պատահե-  
 ցաւ, որ զնորակառոյց տան իւրոյ զտանիս

հողել կամելով, յանկարծ կործանամք  
 տանն այնորիկ զմահ ճաշակեաց; և Նր-  
 բորդ՝ զի Աստուած իբրև արարիչ քո և  
 նախասնամօղ կարէ, և կամի հրամայել քեզ  
 զվեց օր գործել վասն քո կարեացդ, իսկ  
 զօրն եօթներորդ նուիրել ի ծառայութիւն  
 ինքեան. վասն այսորիկ պարտ իսկ է քեզ  
 զայս պատուիրան սուրբ պահպանել ամե-  
 նայն մասամբք առանց ամենայն զանցա-  
 ռութեան: Յիշեա՛ սիրելի, զի թիւն եօթ-  
 ներորդ ի սկզբանէ անտի աւուրց աշխարհի  
 միշտ օրհնեալ է և պատուելի, վասն այն  
 զի՛ ինքն օրհնադիրն Աստուած յաւուրն  
 եօթներորդի հանդեաւ յամենայն գործոց  
 իւրոց: Ա՛չ եօթներորդ էր Ննովք յադա-  
 մայ, որ ոչ տեսեալ զմահ, կենդանւոյն վե-  
 րացաւ յերկինս, և Մովսէս եօթներորդ էր  
 յաբրահամէ, արժանացաւ Աստուածա-  
 խօսութեանն շնորհի և ընդունելոյ զտաս-  
 նարանեաց պատգամս ճեառն. յեօթանաս

ներորդում յեօթներորդում քն ազգահամար  
 թի մարմնացաւ բանն Սատուած վասն փրկո  
 կու թեան ազգի մարդկան անկելոյն ազամաւ  
 որպէս թուէ սուրբ աւետարանիչն Ղուկաս  
 ի ջանելով ցաղամ, զի գիտացուք մեք, թէ  
 ո՞րքան սուրբ է և պատուելի թիւն եօթ  
 ներորդ. յեօթներորդում աւուր յարեաւ  
 Քրիստոս ի մեռելոց, և յեօթներորդում  
 աւուր առաքեաց զհոգի սուրբ ի դասս  
 երջանիկ առաքելոց, զի ծանկցուք մեք,  
 թէ պարտիմք զվեց օր դործել զդործս մեր,  
 և զեօթներորդն պատուել ի փառս աս  
 տուծոյ, որով կեամք և շնչեմք և եմք, և  
 ահա առ այս վախճան սահմանեաց Տէր  
 ի ձեռն սրբոց առաքելոց և հետեողաց նոցա  
 և ուղղափառ վարդապետաց եկեղեցւոյ  
 զկիւրակէս, որ թարգմանի աէրունի, կամ  
 աէրունական, և զյիշատակս սրբոց, զի յայ  
 նոսիկ աւուրս ոչինչ բնաւ դործեցուք,  
 այլ ժողովեալ յեկեղեցի փառաւորեցուք

միայն զանունն սուրբ նորա, և պատուեա  
 ցուք զյիշատակս հաւատարիմ ծառայից  
 նորա, որք բարեխօս են վասն մեր: Բայց  
 բեր այժմ տեսցուք, թէ ի մերումս դա  
 րու այսպէս կատարի որպէս սահմանեալն  
 է յօրէնսդրէն. ոչ բնաւ. որովհետեւ զար, ի  
 բարեմասնութենէ զբկեալ դար, վասն զի  
 տեսեալ սատանայի, թէ ի տօնս տէրունա  
 կանս վառաւորի աստուած ի մարդկանէ,  
 շարժեալ նախանձու ի բարկութիւն բրդի  
 և կոչէ զամենայն շար հրեշտակս իւր և  
 զպաշտօնեայս և ասէ, ևկայք, լուցուցուք  
 զամենայն տօնս աստուծոյ յերկրէ: Սաղմ.  
 հդ. 8. այսինքն է, ևկայք հրեշտակք շա  
 րիս, և օղնեցէք ինձ մենաւորիս, զի զօրու  
 թեամբ բազմաւ ճար պացուք ջնջել և իս  
 պառանհետ առնել յերեսաց երկրի զյի  
 շատակս ամենայն տօնից Տեառն Աստու  
 ծոյ, զի մի՛ ոք ի մարդկանէ ունիցի զժա  
 մանակ աստուած պաշտու թեան և վառաւ



բանութեան • եկայք շփոթ արարքդ աշ-  
 խարհի, շփոթեցուք զմիտս քրիստանէից,  
 հաճոյական ցուցանելով նոցա զվաստակս,  
 զհողս, զգործս և զամենայն զբաղմունս  
 աշխարհի, զի մի՛ երբէք տօնախմբեցին  
 նոքա զաւուրս տէրունիս, և մի՛ զնասցին  
 յեկեղեցի լսել զժամերգութիւնս, կամ տե-  
 ւանել զարարողութիւնս սուրբ խորհրդոյ  
 պատարագի, և կամ պատուել զյիշատակս  
 սրբոց, և այսպէս ի դալ աւուրց հանդի-  
 սաւոր տօնից և կիւրակից, յորս արժան  
 քրիստանէից ի գործոց և ի հողոց աշխար-  
 հի հեռի կող, պարսպիլ աստուած պաշ-  
 տութեան և կատարել զտեառնական պա-  
 տուիրանն, և ահա սատանայ յառաջ մատ-  
 չի անաթօթ արար և ասէ՛ յնոսա, զինչ տօն  
 զինչ պատարագ, զինչ մատարանութիւն,  
 լաւ ևս է ձեզ զործել զգործս ձեր, քան  
 թէ զնալ յեկեղեցի • զինչ ունիք յեկեղե-  
 ցւոջ, զինչ օգուտ ձեզ ի պատարագէն •

ով արհեստաւոր, զնա՛ զու ի կրպակ քո  
 բայց զայն, նիստ փառաւորապէս, գործեա  
 զգործս քո եւ խաբեա՛ զգնօղան, զի աւելի  
 շահեսցիս քան զոր ունիս : Ո՞վ վաճառա  
 կան զնա՛ զու ի վաճառանոցն, տես զհա  
 շիւ քո ընդ պարտապանիդ, մի՛ թողուր  
 անցանել աւուրս առանց ստախօսու թեան,  
 որ է ճնունդ քո ի ժամ վաճառոյ, եւ որ  
 պէս այլք վաճառեն, ըստ այնմ արա՛ եւ  
 զու, զի բազում շահս ունիցիս : Ո՞վ ազ  
 նուական, յայտնի է ինձ, զի գործք քո  
 են ի ձեռս այն ինչ զատաւորի, նիստ ի քա  
 ռաձի կառս քո եւ զնա՛ ի տուն նորա, խօ  
 սեանց ընդ նմա կեղծաւորութեամբ, խա  
 բեա՛ զնա, եւ զխանդարեալ գործս քո ու զղեա՛  
 զարմանամ ես, զի զու փութաս երթալ ի  
 տօնն որ առանց քո եւս ունի կատարիլ, եւ  
 անփոյթ ու թեամբ թողուս զգործս քո, լաւ  
 եւս է թողուլ անտես զտօնն եւ փութալ  
 յամբովի հարկաւոր գործոցդ. զի՞ սպասես

անշահ զօղանջման զանդակաց • վասն էր  
 մնաս պատարագի, երբ մեծ և առաջին  
 պատարագ է քեզ կատարումն գործոցդ •  
 զի՞նչ օգուտ քեզ յեկեղեցական երաժրշ-  
 տութենէ, զի դու վարդապետ չես, զի գը-  
 նացեալ քարոզ կարդասցես • և ոչ քահա-  
 նայ, զի զխորհուրդ մարմնոյ և արեանն ի  
 վերայ սեղանոյն օրհնեսցես, (Գրիգոր Տաթ •  
 ՚ի գիրս հարցմանց, երես 606) • և ոչ սար-  
 կաւադ ես, զի խնկարկութեան պարապեալ,  
 սպասաւորեսցես քահանային ի խորհուրդ  
 եկեղեցոյն, զսկիհն պատրաստեսցես, և  
 զաւետարանն կարդասցես ՚ի բեմն • (անդ  
 ևս) և ոչ կիսասարկաւադ, զի ընդ միւս  
 յատկացեալ պաշտամանցդ և զհանդերձս  
 սեղանոյն լուսացես • (անդ ևս) և ոչ ջա-  
 հավառ, զի զմոմեղէնն վառեսցես ՚ի սե-  
 ղանն • (անդ ևս) և ոչ երդմնեցուցիչ, զի  
 երդմնեցուցես զդիւահարն, և զերե-  
 խայն եկեալ ՚ի մկրտութիւն հրաժարե-

ցուսցես 'ի սատանայէ, (անդ ևս) և ոչ  
 ընթերցող, զի կարդասցես զմարդարէս և  
 զհին օրէնս յեկեղեցին. (անդ ևս) և ոչ  
 դռնապան կամ ժամկոչ, զի բացցես զդու-  
 ուրն եկեղեցւոյ. (անդ ևս) և ոչ եկեղեց-  
 պան, զի զգանձանակս եկեղեցւոյ բարւոք  
 կարգադրեսցես որպէս և կամիս. թող նո-  
 քա զբաղնուցուն այր իւրաքանչիւր զիւ-  
 ըով պաշտամամբ, թող նոքա երգեսցեն  
 որքան և յորժամ ուր և ախորժեն, այլ դու  
 երթ, ուր ասեմ քեզ վասն անձնական օգտի  
 քո, զի շատ շահեսցիս և երանելի լինի-  
 ցիս յամենայն կեանս քո:

Ահա զայսպիսի վնասաբեր խորհուրդս  
 յառաջ բերէ ամենաչարն սատանայ, և  
 քրիստոնեայք ամենայն հնազանդու թեամբ  
 լսեն և կատարեն. լաւ համարին զվաստակ  
 վաճառականութեան, կամ գնալ յայց և  
 'ի տես իշխանաւորի ուրումն. իսկ զպահ-  
 պանութիւն պատուիրանի Տեառն յոչինչ

գրեն, և լսել զբանն աստուծոյ աւելորդ  
 կարծեն: Տաճիկք և Հրէայք զտօնս իւ-  
 բեանց անլոյծ պահեն, իսկ քրիստոնեայք  
 տօնատեաց գտանին, և դիմեն ասորժանօք  
 յաշխարհական զբաղմունս և ՚ի գործս,  
 զորս ցուցանէ նորա առաջնորդ նոցա սա-  
 տանայ, և յորոց ոչ զօրհնութիւն աստու-  
 ծոյ, այլ զբարկութիւն նորա ժառանգեն,  
 և ՚ի գործոց անտի ոչ զշահ ինչ քաղեն,  
 այլ զանէծս կուտեն ՚ի գլուխս իւրեանց  
 որպէս ասէ գիր. Ոստայնք նոցա ոչ ձոր-  
 ձեւցին, և ոչ զգեցին ՚ի գործոց ձեռաց  
 իւրեանց, քանզի գործք նոցա գործք անօ-  
 բէնութեան են, և գործք անօրէնութեան  
 ՚ի ձեռս նոցա, ոտք նոցա ՚ի չարիս ընթա-  
 նան, վաղվաղեն զեղուլ վարիւն անպարտ,  
 խորհուրդք նոցա խորհուրդք անզգամաց,  
 բեկումն և թշուառութիւն ՚ի ճանապարհս  
 նոցա, և զճանապարհն խաղաղութեան ոչ  
 ծանփան, և ոչ զոն իրաւունք ՚ի ճանա-

պարհս նոցա, զի շաւիղք նոցա, ընդ որս  
 գնան՝ խոտորեալք են : Ես. ԾԹ 6, 7, 8 :  
 Տէս զայս մեղուասէր, լաւ տես և ուսիր  
 յիմոց մեղուաց պատուել զօր Տեառն և  
 պատուել զհանգիստ յաւուր միաշարա-  
 թուն, զի մի՛ հասցեն քեզ չարիք. փու-  
 թա՛ դու միշտ ՚ի տօնս տէրունականս ՚ի  
 տաճար փառաց սրբութեան Տեառն Աս-  
 տուծոյ. և եթէ նախաչարն հրապուրեսցէ  
 զքեզ յիւր խորհուրդ նենգաւոր, դու մի՛  
 լսեր խորհրդեան նորա, և եթէ կամիս, զի  
 հեռացի ՚ի քէն անիրաւն, կարդա՛ միշտ  
 զպատուական զայն երգ սաղմոսերգուին  
 Դաւթի, որ ասէ՝ Աստուած, քաղցր է ինձ  
 լսել զձայն օրհնութեան քո և պատմել  
 զամենայն սքանչելիս քո. Տէր սիրեցի զվա-  
 յելչութիւն տան քո, և զտեղի յարկի  
 փառաց քոց : Սաղմոս ԻԲ, 7, 8, և թէ՛  
 զմի խնդրեցի ՚ի տեառնէ, և զսոյն աղաչեմ  
 բնակիլ ինձ ՚ի տան տեառն զամենայն ա-

և ուրս կենաց իմոց : Տեսանել ինձ զվա-  
 յելչութիւն տեսուն, և հրաման տալ 'ի  
 տաճարի նորա, ծածկեաց զիս 'ի խորանի  
 իւրում յաւուր չարի, ընդ յարկաւ արար  
 զիս 'ի ծածկոյթ խորանի իւրում : Սաղմ .  
 ԻՁ, 4, 5: և ահա ընդ սաղմոսելդ բարձցին  
 մերժեսցին 'ի քէն որոգայթք չարին, և  
 պահպանողական աջ Տեսուն ամենակալի  
 հովանացի ի վերայ քո, և քեզ անուն  
 կոչեսցի պատուիրանապահ, և ոչ պատուի-  
 րանազանց ստորանկեալ անիծից :

Յաւարտ բանիս մանուածոյ լցեալ,  
 լիացեալ, և ազշեալ իսկ սխրագործու-  
 թեամբք իմ պատուական մեղուաց, յայտ-  
 նեմ ոչ օտարաց խօլադատութեանց հե-  
 տեւելոց, այլ իմոց աննենդ մեղուասիրաց՝  
 որոց աչք են ի գլուխս և խելք ի խելապա-  
 տակս, թէ զայլ և այլ զարմանալի գործս  
 մեղուաց իմոց, որք տակաւ ին չեն ինձ յայ-  
 տնի մի ըստ միոջէ, և փոքրիմաց մտացս

իսկ անհասկանալի, ոչ կարացի այժմ հը-  
 րատարակել բոլորապէս, այլ թողում ազ-  
 գասիրաց բարեջանից և վեհագունից քան  
 զիս ամենայն մասամբք և կարգաւ, և կա-  
 բողութեամբ և զլիակարգութեամբ՝ հետ  
 զհետէ գրով աւանդել զնոյնս յետագայից,  
 և ես յետ փոքրաբանական վիպասանու-  
 թեանս ամփոփեալ աստէն զշրթունս  
 նուաստ զըչի իմոյ, լիաբերան գոհութեամբ  
 տամ փառս Բարերարին Աստուծոյ, որ ես  
 ինձ զկարողութիւն բանաստեղծօրէն բերիլ  
 այսքանեօք ի վէպս գործոց բարեշնորհ մե-  
 ղուաց ի մխիթարութիւն ընթերցասիրաց  
 որդւոց ծոցոյ Հայաստանեայց սուրբ Նկե-  
 ղեցւոյ նորոգելոյ բազմաջան քրտամբք կեն-  
 դանի նահատակին Քրիստոսի սրբոյն Գրի-  
 գորի Նուսաւորչի, իմս յատուկ պաշտպանի  
 յաւուրց անտի մանկութեան իմոյն բաղ-  
 մերախտ հօր և հայրապետի :









